

方輿

第六冊

卷十七

南康軍

信州

廣德軍

饒州

卷十八

隆興府

袁州

吉州

瑞州

卷二十

贛州

# 南康軍

建安 祝 穆  
星子 建昌

和父



## 建置沿革

禹貢荆揚二州之域吳地斗分野春秋吳楚之地戰國屬楚秦屬九江郡漢屬豫章晉置尋陽郡宋齊因之隋屬九江及豫章唐屬江州及洪州偽吳以其地立星之鎮國朝陞為縣屬江州太宗時陞南康軍又割洪之建昌饒之都昌隸焉今領縣二治星子

## 事要

郡名

星渚

康廬

並見山川注

風俗其在

## 康哉

太平興國六年相國張師亮轉漕江表請改邑為軍詔曰南方之俗云云可賜名南康軍

以



興教善俗為務

張敬夫作濂溪祠記新安朱侯首云云乃立濂溪祠于學宮

揖

先儒淳固慤實之餘風

呂伯恭作白鹿洞記云詳見後

形勝

負康廬面彭蠡

南康志云云

其西五峯

彭圖南致霖亭記云云峭

壁隱然在望者為廬阜其南巍嵐疊疊若來向者為蘓山

十大禪刹

廬山云云而山南居其六曰歸

宗開元萬松棲賢羅漢慧日是也和叔作裴氏海昏

鐘梵相聞於青嵐白雲中

唐呂

集序廬山云云道術結廬於此山中仙去廬在故曰

山川廬山

在城北十五里。周武王時有匡俗兄弟七人皆有

山白樂天草堂記康廬奇秀甲天下。李白一謠我本楚

狂人鳳歌笑純丘手持綠玉杖朝別黃鶴樓五嶽尋仙不辭

遠一生好入名山遊一秀出南斗傍屏風九疊雲錦帳瀑

落明湖青黛光金闕前開二峯長銀河倒掛三石梁香爐瀑

布遙相望迴崖疊嶂凌蒼蒼翠影紅霞隱朝日鳥飛不到吳

天長登高壯觀天地間大江茫茫去不還黃雲萬里動風色

白波九道流雪山好為一謠興因一松閑窺石鏡清我

心謝公行處蒼苔沒早服還丹無世情琴心三疊道初成遙

見仙人綵雲裏手把芙蓉朝玉京先期汗漫九垓上願接盧

敖遊太清。歐陽永叔作一高贈同年劉中允一高哉

幾千仞芎根盤幾百里截然屹立乎長江長江西南走其下

是為揚瀾左蠡兮洪濤巨浪日夕相舂撞雲消風止水鏡淨

泊舟登岸而遠望兮上摩青蒼以沓靄下壓后土之鴻龐試

往造乎其間兮攀緣右磴窺空豁千巖萬壑響松檜懸崖巨

石飛流淙水聲聒聒亂人耳六月飛雪灑石缸仙翁釋子亦



往往而逢兮吾嘗惡其學幼而言嘸仁見丹崖翠壁遠近映  
樓閣晨鐘暮鼓香靄羅幡幢幽花野草不知其名兮風次露  
濕香澗谷時有白鶴飛來雙幽尋遠去不可極便欲絕世遺  
紛厖羨君賈田築老室其下棹袂盈疇兮釀酒盈缸欲令浮  
嵐暖翠千萬狀坐卧常對乎軒窓君懷磊砢有至寶世俗不  
辨珉與玳策名為吏二十載青衫白首困一邦寵榮聲利不  
可以苟屈兮自非青雲白石有深趣其氣兀砭何由降丈夫  
壯節似君少嗟我欲說安得巨筆如長杠○朱元晦詩登車  
閩嶺嶠息駕康山陽康山高不極連峯鬱蒼蒼企輪西崖峩  
五老東昂藏想象仙聖集似聞笙鶴翔林谷下淒迷雲闕杳  
相望千巖雖就秀二勝終莫量仰瞻銀河翻俯視蛟龍驤長  
吟謫仙而和以王局草疇昔勞夢思妬今幸徜徉尚恨恭行  
竹未愜棲雲房已尋雨峯間結屋依陽岡上有飛瀑馱下有  
清流長循名協心期弔古增悲涼壯齒之奇節顏季矧昏荒

誓將塵土蹤暫寄雲水鄉封章儻從願歸哉溧滄浪○晁元  
谷題南康南麓江洲北五百僧房綴寮牌盡是——佳絕處  
不知何處合題詩○王貞白題嶽立正南楚雄名天下聞五  
峯高闕日九疊翠連雲夏谷雪猶在陰巖畫不分惟應嵩與  
華清峻  
屏風山 在城南四十里晏類要山有九疊川  
得為羣 有九派郡志丹崖紫壁縈繞磅礪若——

一 歐山 在建昌相傳有  
歐岌得道此山 蘇山 在都昌吳時有蘇耽居于  
此乃七十二福地之數

釣磯山 在都昌郡國志晉陶侃嘗釣  
于此後得一梭化為龍而去 石壁山 在都  
昌有

謝靈運樂石壁精舍○靈運詩昏且變氣候山水含清暉清  
輝能娛人遊子澹忘歸出谷日長早入丹陽已微林壑歛暝  
色雲霞收夕霏芰荷迭映蔚蒲禪相因依披拂趨南徑愉恍  
愜東扉慮澹物自輕意愜理無違寄言攝生客試用此道推



大小孤山

在湖中詳見江州

石鍾山

同上

石門山

同上

重載五老峯

在廬山五峯相連故名浮圖老子之宮皆在其下。李白詩云廬山東南一青天削

出金芙蓉九江秀色可攬結吾將此地巢雲松

雙劍峯

在開先院南

香爐峯

在城

北山南山北皆見其形圓聳常出雲氣故名。白居易詩何石攀蘿歇病身青筇竹杖白紗巾他時畫出廬山障便是香

爐峯紫霄峯

在西北塔院后有夏禹石刻。洪駒父詩塊視落星石極觀彭蠡湖又云荒哉秦漢

君抗旌上崎嶇永懷太史公九江觀禹謨

漢陽峯

在廬山上

獅子峯

在五老峯之東

金輪峯

在歸宗寺後有三大字

鐵船峯

許旌陽傳旌陽與吳猛乘鉄船二龍

扶而行戒勿忘視至紫一一茂林夏擊有聲舟人竊視之龍即委之而去舡墮于此

凌霄峯

在昭德之

北嶼巖萬狀

凌霄峯

在城東十三里上

上霄峯

始皇嘗登于此

蓮花峯

在廬山

龜行峯

言如一一而朝北斗也山上

廷秀詩淵明醉眼處石上印耳迹逸少鵝池蘚花漬餘墨

石鏡峯

在金輪峯側下有溪

三

石梁

尋陽記廬山有一一長數尺廣不盈尺杳然無底吳猛與子弟躡石梁而度見金闕玉房地皆五色見

一老翁坐桂樹下以玉杯承露與猛

青牛谷

在五老峯下。九江錄昔有道士洪志乘青牛得道于此

張固白鶴觀記予昔至九江士石室之崖以瞰青牛蓋天下山川秀拔處也。唐楊銜詩隨雲步入一一青牛道士



留我宿可憐夜靜月明中

### 錦繡谷

廬山記奇花異草不可殫述三四月間紅紫匝

惟有壇邊一枝竹  
地如一一故名。王介甫送黃吉父赴官南康詩還家一笑即芳辰好與名山伴主人邂逅五湖乘興往相邀一一中

### 彭蠡湖

在城東南五里禹貢一一既潞又日東匯澤為一一又名宮亭一一又名左蠡湖。謝靈運

詩客遊倦水宿風潮難具論洲島驟迴合折岸屢崩奔乘月聽哀猿范露馥芳蓀春晚綠野秀巖高白雲屯千念集日夜萬感盈朝昏攀崖照石鏡牽葉入松門三江事多往九派理空存靈物去珍怪異人秘精魂金膏滅明光水碧輟流溫徒作千里曲絃絕念彌敦。李白詩謝公入彭蠡因此遊松門余方窺石鏡兼得窮江源前賞迹可見后來道空存而欲繼風雅豈惟清心魂雲海方助興波濤何足論青嶂憶遙月綠蘿鳴愁猿录碧或可採金膏秘莫言古今將振衣羽化出

煩。朱元晦詩茫茫彭蠡春尼地白浪春風濕天際東西揆拖萬舟回千歲老蛟時出戲少年輕事鎮南來水怒如山帆正開中流蜿蜒見春尾觀者瞻墮子方吟衣冠今日龍山路廟一沽酒山前往老矣安能學攸飛買田欲棄江湖去。有宮廟能分風黃魯直詩云左手作圓右手方世人機敏便可爾一風分送南北舟斟酌鬼神宜用此

### 井泉

### 溫泉

在建昌白居易詩一眼湯泉流向東潯泥燒草暖無窮驪山溫水因何事流入金鋪至甕中。朱元晦詩

連山西南來中斷還崛起于霄幾于傾據地三百里飛峯上靈秀衆壑下清美逮茲勢力窮猶能出奇偉誰燃舟黃燄爨此玉池水客來爭解帶萬劫付一洗當年謝康樂弦絕今久矣水碧復流溫相思五湖裏自注云康樂湖中詩云水碧綴流溫豈未見此水耶

### 明月泉

在郡治嘗以名

### 學校白鹿書



堂

唐李淑與元涉俱隱于此山嘗養一白鹿因名之南唐  
昇元中建學館以李道為洞主掌其教授長編云太平  
二年知江州周述言廬山白鹿洞學徒嘗數千百人乞賜九  
經使之肆習詔國子給本仍傳送之。呂伯恭白鹿洞書院  
記淳熙六年南康軍秋雨不時高仰之田告病郡守新安朱  
侯熹行眈陂塘並廬山而東得白鹿書院廢址慨然顧其僚  
曰是蓋唐李淑之隱居而太宗皇帝驛送九經俾生徒肄業  
之地也書院狃於南唐其事至鮮我太宗於訊埽區宇日不  
暇給之際獎勸封殖如恐弗及規摹遠矣中興五十年釋老  
之宮圯于寇戎者斧斤之聲相聞各復其初獨此地委于榛  
莽者太息庸非吾徒之恥哉郡雖貧簿顧不能築室教楹  
上以宣布奉朝崇建人文之大指下以續先賢之風聲於方  
來乎迺屬軍學教授揚君大法星子縣令王君仲傑其事  
又以書命祖謙記其成祖謹切嘗聞之諸公長者國初斯民

新脫五季鋒鏑之厄學者尚寡海內向平文風日起儒先往  
往依山林即間曠以講授大率多至數十百人嵩陽嶽麓睢  
陽反是洞為尤著天下所謂四書院者也祖宗尊右儒術分  
之官書命之祿秩賜之扁榜所以寵綏之者甚備當是時士  
皆上質實下新奇敦行義而不偷守訓詁而不鑿雖學問之  
淵源統紀或未深究然其受和白受采既有進德之地矣慶  
曆嘉祐之間豪傑並出講至益精至于河南程氏橫渠張氏  
相與倡明正學然後三代孔孟之教始終條理於是乎可考  
熙寧初明道先生在朝建白學制教養考察賓興之法網條  
甚悉不幸王氏之學方興其議遂裕有志之士未嘗不嘆息  
於斯焉建炎再造典刑文憲浸還舊觀關洛緒言稍出於毀  
棄剪滅之餘晚進小生驟聞其語不知親師取友以講求用  
力之實躡等陵節忽近慕遠未能窺程張之門庭而先有王  
氏高自聖賢之病如是洞之所傳道之者或鮮矣然則書院



之復豈苟云哉此邦之士盡相與揖先儒淳固慈實之餘風  
服太學離經辨志之治教由博而約自下而高以荅揚熙陵  
開迪樂育之大德則於賢侯之勸學斯無負矣至於考方志  
紀人物亦有土者所當謹若李濬之之遺迹固不得而畧也  
侯於是役重民之勞賦功已狹率損其舊十七八力不足而  
意有餘矣興廢始末見於當塗郭祥正所記者皆不書。朱  
元晦詩清冷寒澗水窈窕青山阿昔賢有幽尚眷言此婆娑  
事往今幾時高軒絕來道學館空廢址鳴弦息遺歌我來勸  
相餘杖策塞綠蘿謀野欣有獲披圖知匪訛永懷當年盛莘  
莘矜佩多博約感明恩溥熙泰和淒涼忽荒榛俯仰驚顏  
波發教逮綱紀喟然心匪他伐木循陰岡結屋依陽坡一朝  
謝塵濁歸哉碩人邁。昔人讀書地町疇白鹿場世道有升  
降茲焉更表章矧今中興年治具一以張弦歌獨不嗣山水  
無輝光荒榛適剪除聖謨已汪洋亦有皇華使肯來登此堂

### 堂舍五老堂

蕪子由詩五老高閣不入

問俗良懇惻懷賢增慨慷雅歌有餘韻絕學何能忘

城開軒肯就使君迎坐中不着閑賓客物外真成大

直節

堂

在郡圃。朱元晦記云庭有八杉藥城蘇文定公為郡守徐君師回作記又手書而刻石焉某來領郡問堂所

在則既無有而朽亦不存求之記文則又非復故刻而委之  
他所矣獨廳事之旁有堂無額而庭中有老柏焉焚斲之餘  
生意殆盡而屹立不僵如志士仁人更歷百變而剛毅特立  
凜然不衰者因取直節寓之此堂而葺記石陷壁間以彷彿  
前賢之意云  
**冰玉堂**  
劉渙隱廬山下恕取蘇轍所謂潔廉不  
撓水清玉剛之語名其祠張來為記。  
朱元晦記云即劉凝之故居之遺址顧今百年之外臺傾沼  
平鞠為灌莽而使樵兒牧子皆得以敲歌躑躅於其上又何



其可悲也郡守曾使致虛出少府羨錢贖于民間遂作冰玉之堂而繪劉公父子之象于其上且聞陳忠肅公之嘗館于是也又繪其

### 愛蓮堂

周茂叔嘗守是邦後人作是堂於郡圃朱元晦書一二字。濂溪

象以侑焉  
愛蓮說云水陸草木之花愛者甚蕃晉陶淵明愛菊自李唐來世人甚愛牡丹予獨愛蓮出於淤泥而不染濯於清漣而不妖中通外直不蔓不枝香遠益清亭亭淨植可遠觀不可褻玩焉予謂菊花之隱逸者也牡丹花之富貴者也蓮花之君子者也噫菊之愛陶后鮮有聞蓮之愛同予者何人牡丹之愛宜乎衆矣

### 拙齋

朱元晦書扁以濂溪拙賦

### 樓觀黃雲觀

在書院東北五里折桂院後取李白萬里黃雲動風色之句。朱元晦詩

城中東北望五老何蒼蒼下有前朝寺一原頗深藏門外林澗幽屋后雲木蒼閑窓亦明潔着此瑞錦張瑞僧房有更能理

枯筇步上林北岡仰視天宇闊俯瞰江流長受書彼何人姓字不足詳竹帛有遺臭桂樹徒芬芳。李逢吉嘗讀書此院

### 金芙蓉觀

在郡圃朱元晦取唐李白

### 卧龍庵

在城西北二十里。朱元晦繪諸葛武侯像於庵中為記云予少時讀龜山先生揚公詩見其說卧龍劉君隐居辟穀木食澗飲蓋已度百歲而神清眼碧客至輒先知之庵中怒瀑中馮大壑淵深有黃石數丈在激浪中蜿蜒飛閣故名。又緣名潭之義畫漢丞相諸葛公象寘之堂中。朱元晦詩空山龍卧處蒼峭神所鑿下有寒潭幽主有明河落我來愛佳名小築寄幽壑永念千載人丹心豈今昨英姿儼繪事凜若九原作寒藻薦芳馨飛泉奉明酌公來識此意顧步慘不樂抱膝一長吟

### 清淨退庵

在樓賢西三里劉凝之舊隱作亭取黃太史詩語。朱元

神交付冥漠



晦詩凌兢度三峽窈窕後一原絕碧擁蒼翠奔流遊潺湲聞  
昔避世人寄此亭三間壯節未云遠高風杳難攀尋深得遺  
址縛屋臨清灣坐晚寒木杪飛泉悶雲舞茲游  
非昔游累解身後開保此清淨退當歌不能謾  
亭榭折

**桂亭** 在郡治背倚五老峯面對大江千島  
萬淑出沒湮雲波浪間真奇觀也  
玉淵亭 在

賢寺門外澗中白石不以數計如卧羊故曰一一張安國書  
二字。仍作詩云靈源直上與天通借路來從五老峯試向  
欄杆敲拄杖為

**漱王亭** 楊廷秀詩山根玉泉仰面飛飛  
君喚起王淵龍 出山頂却下馳自從廬阜瀉雙

練至今銀灣乾兩支雷聲驚裂龍伯眼雪點澗  
濕婦娥衣寄言蘇二李十二莫愁瀑布無新詩  
橋梁三

**峽橋** 揚廷秀題栖賢寺一一詩樓賢與楞伽初本共一  
山古潭宅神龍醺醒厭久陰是夕起雷雨震得天地

翻此山折為兩一溪斯中間下窺黑無地上攀青到天從此  
雨禪寺路絕不往還祖師見之笑彈指見神好問天借橫霓  
搭渡溪西遙倒傾千崖雪飛下一王淵餘怒尚雷吼聲拔諸  
峯根我來不能去輕生倚危欄忽然心為動毛骨森以寒山  
人指斷岸猶 **三峽石橋** 在廬山郭功父一一一行銀  
帶初圻痕 河源源天上流新秋織女望牽

牛洪波欲渡渡不得比鵲為橋誠拙謀胡不見廬山三峽水  
此源亦接明河底擘崖裂嶂何其雄崩雷泄雲勢披靡飛鳥  
難過虎豹愁四時白雲吹不收燈籠此地無行迹六月遊子  
披貂裘誰將巨斧鑿大石突兀長橋跨蒼壁行車走馬安如  
山下視龍門任踪激寄言牛女勿相疑地下神工無更奇喚  
取河邊作橋棟一年不必一佳期。蘇子由詩云峽波濤飽  
沂泂過橋雷電記當年江聲髣髴瞿唐口石角參差灩澦前  
應有夜猿啼古木已將秋葉作歸船老僧未省遊巴蜀松下



相逢問信然

### 館驛五柳館

在東昌縣樓隱寺即淵故宅

### 虛白館

在尋

真觀之右正當五老峯九疊屏之下雙澗交流別是一壺天也

### 歸去來館

在歸宗西五里有陶公醉

石是館乃朱文公建。詩云予生千載後尚友千載前每尋高士傳獨嘆淵明賢及此逢醉石謂言公所眠况復巖壑古縹緲藏風煙仰看喬木陰俯聽橫飛泉景物自清絕優游可忘年結廬倚蒼峭舉觴酌潺湲臨風一長嘯詞以歸來篇

### 樓閣星子樓

胡致隆詩葛中藤杖竹蘆蔭靜夜江樓縱目初海獸擊山出彭蠡玉龍嘶水下

羗廬三更雲盡猿啣露十里月寒人捕魚已問湖山借圭角也年來此老樵漁

### 重湖閣

在尋陽門外延

慶院極目湖波與天無際

### 寺院開先寺

在城西十五里三國時李中主嘗建此寺。舊傳梁

昭明太子樓隱之地寺後有瀑布山南瀑布無慮數十皆積兩方見惟此不竭水源在山頂人未有窮者或曰西入康王谷為水簾東為開先瀑布。文與可妙庵記樓賢石橋不為混沌氏之所設非工能之開先瀑布不可量其高遠奔騰傾瀉若决星漢此充天下之勝處世間不復更有之絕觀也。李白詩日照香爐生紫煙遙看瀑布掛長川飛流直下三千尺疑是銀河落九天。徐凝詩虛空落泉千仞直雷奔入江不暫息今古長如日練飛一條界破青山色。蘇子瞻詩帝遣銀河一派垂古來惟有謫仙詞飛流激沫知多少不為徐凝沈惡詩。子瞻云余遊廬山南北得十五大奇勝殆不可勝絕懶不作詩獨摘其尤者作漱玉亭三峽橋二篇開先漱玉亭詩云高巖下赤日深谷來悲風孳開青玉峽飛出兩白龍亂沫散霜雪古潭搖青空餘流滑無聲快瀉雙石硤我來不忍去月出飛橋東蕩蕩白銀闕沉沉水晶宮願從琴高



主脚踏赤鯨公手扶白芙蓉。渠跳下清令中。朱元晦詩奇哉。  
康山陽雙劍。屹封起山。有橫飛雲。下有瀑布。水崩騰。復璀璨。  
佳麗更雄偉。勢從三梁外。影落明湖裏。平生兩仙句。詠嘆深。  
仰止三年落。星灣帳望空。眼昧今朝隨杖屨。得此弄清泚。更  
誦玉虹篇。塵襟諒昭洗。  
**棲賢寺**  
李淑徒寺於是山有水曰鳶溪。又  
有方橋潭。陸羽以其水為第六。  
陳舜俞詩。辟蛇行者應開寺。拭眼高僧尚有墳。龍帶雨歸三  
峽。水鳥嘶花出五峯雲。寺有三峽橋。為廬山之雄觀。蘇子  
由記。水行石間。聲如雷霆。如十乘車行者。震悼不能自持。雖  
三峽之險。不能過也。蘇子瞻三峽橋詩。吾聞泰山石。積日  
穿綫溜。况此百雷寔。萬世與石鬪。深行九地底。險出三峽石。  
長輸不盡溪。欲滿無底竇。跳波翻潛魚。震響落飛杭。清寒入  
山骨。草木盡堅度。空濛煙雨間。頽洞金石奏。灣灣飛橋出。激激  
半月殼。王淵神龍近雲雨。亂晴晝。垂瓶得清甘。可嚙不可

漱。朱元晦詩。兩岸蒼壁對。直下成斗絕。一水從中來。蕩滴  
知幾折。石梁遽其會。通望遠。明滅倏至。走長蛟。捷來翻素雪。  
聲雄萬霹靂。勢倒千嵒崒。足悼不自持。魂驚詎堪說。  
老仙有妙句。千古擅奇崛。尚想化鶴來。乘流弄明月。  
**雲居**

### 寺

在山之顛。諺云天上雲居。  
地下歸宗。言其相亞云。

### 歸宗寺

在城西二十五里。即王羲之宅。

墨池鵝池在焉。唐寶曆中有赤眼禪師居之。朱元晦和  
提舉尤延之遊山詩。金輪紫霄上。寶界鳶溪邊。往昔王內史。  
願香有餘煙。千年今一歸。景物還依然。澗水既蕩滴。山花亦  
清妍。不辭原隰勞。樂此賓從賢。訪古共紉薜。勞農獨勤拳。憐  
我乖勝踐。裂牋寄真詮。逃禪公勿遽。且畢區中緣。蘇子由  
詩。我聽一一早晚鐘。疲勞懶上紫霄峯。墨池漫疊溪中石。白  
塔微分嶺上松。佛宇爭推一山甲。僧厨坐待十方供。欲遊山  
北東西寺。巖谷相連更幾重。此寺王逸少所置云。有墨池



在落星寺

與地廣記昔有僧陞水化為石夏秋之交湖水方漲則星石汎于波瀾之上至隆冬水涸

則可以步涉寺居其上曰法安院有清輝閣玉京軒嵐倚軒。黃魯直詩巖巖康俗先生廬其下宮亭水所都北辰九閣。蓬島箇中即是地行仙但使心閑白難老。又詩云星宮游空何時落著地亦化為寶坊詩人畫吟山入生醇客夜撈江撼床蜜房各自開戶牖蟻穴或夢為侯玉不知青雲梯幾級更借瘦藤尋上方。一一開士深結屋龍閣老翁來賦詩小雨歲山客坐以長江接天帆到遲晏寢清香與世隔畫圖妙絕無人知蜂房各自開戶牖處處煮茶藤一枝。王介甫詩。翠雲臺殿起崔嵬萬里長江一酒杯坐見山川吞日月杳無車馬送塵埃鴈飛雲路聲低過客近天門夢亦迴勝槩推時可收拾不才羞作等閑來。朱元晦詩活活長江水東遊無

停波及此一回薄平湖煙浪多孤嶼屹中川層嘉知周阿晨望愛明戒夕遊驚蕩磨極目青冥茫回瞻碧嵯峩不復車馬迹惟聞榜人歌我願辭世紛茲焉老漁蓑會有滄浪子鳴航夜相過又詩曰面冥誠開玉鑑三山應是失金鰲萬

杉寺

在廬山僧大起植杉萬本仁宗賜御製篆金仙寶殿額今有御書及國泰清淨四大字。朱元晦詩體

沐聊命駕言何所之行尋慶雲寺想象昭陵時門前杉徑深屋後杉色奇空山歲年晚鬱鬱凌寒姿當年雨露恩千載有餘滋匪石不敢晚孤標儼相持更啓石室藏仰瞻天象垂願以清淨化永為太平基。蕪子由詩萬本青衫一手栽滿堂白佛九天來涓涓石溜供厨足四方山屏逸寺開半榻松陰秋簟冷一杯香飯午鐘催安眠飽食平生事不待山僧喚始芝山寺范希文詩樓殿冠崔嵬靈芝安在哉雲飛過迴江去花落入城來得食鴉朝聚開經虎夜回



偶臨西閣望  
五老欠陽開  
二林寺

釋無可寄題廬山  
東南秀香花惠遠蹤名齊松嶺峻

氣比沃洲濃積岫連何處幽崖越幾重霜流湓隱隱九派悼  
憧憧山限東西寺林交且暮鐘半天傾瀑溜數郡見嘯峯巖  
並金繩道潭分玉像容江微匡俗路日杲晉朝松椽徑新苞  
折梅籬故葉壅嵐光生疊砌霞焰發高墉窓籟虛聞旋庭煙  
黑過龍定僧仙嶠起逋容禿溪逢漢落垂揚戶荒涼種杏封  
塔留紅舍利池吐白芙蓉盡壁披雲見禪衣對鶴縫喧經泉  
滴瀝沒履草手茸翠竇歌攀乳苔橋側杖筇探竒盈夢想搜  
峭滌心曾冥與終難盡登臨惜未從上方薇蕨滿歸去養年  
慵廬山寺馬戴詩白茅為屋宇編荆數處措墀石疊成  
東谷笑言西谷響下方雲雨上方晴鬣驚樵  
客緣蒼壁猿戲山頭撼紫椶別有楞伽院  
在城北三十  
一條投澗水竹筒斜引入茶鑪  
五里子瞻記

余友李公澤嘗讀書于五老峯白石庵之僧舍公擇既去山  
中之人思之指為李氏山房藏書九千餘卷。子瞻過公擇  
故居詩彭蠡東北源廬阜西南麓何人修水上種此一雙玉  
思之不可見破宅餘修竹四隣戒莫犯十畝森似束我來仲  
夏初解籜呈新綠幽鳥向我鳴野人留我宿徘徊不忍去微  
月掛喬木遙想他年歸解組中一幅對床老兄弟返雨鳴竹  
屋卧聽林寺鍾書窓有殘燭。又詩偶尋流水上崔嵬五老  
蒼然一笑開若見謫仙煩寄語匡山頭白早歸來。朱元晦  
詩躡右循急澗穿林度重岡倪入幽谷遠仰見竒峯蒼李公  
英妙年讀書此雲房一去上臺閣欽身何慷慨蘇公記藏書  
文字有耿光餘事亦騷雅戲墨仍風霜雨公不  
歸來歲月忽已荒何用建遺烈寒泉薦孤芳  
道觀景  
德觀舊記昔太始皇并吞六國楚王避難此地有康王觀  
二十里入康王谷又十五里有水如簾布巖而下者



三十餘派陸羽茶經其水為天下第一。朱元晦詩循澗西  
北驚崎嶇。立前柱荒溪。豁然清溪流。一涉臺殿古。再  
涉川原幽。縈紆復屢渡。乃得寒巖。飛泉天上來。一落散不  
收。披崖日璀璨。噴壑風颼颼。追薪爨絕品。滄茗澆窮愁。敬酌  
古陸子何年。後來游**簡寂觀**。在城西三十三里。宋陸修靜封丹元  
真人。明帝召至。建康卒于崇虛館。謚  
簡寂。此即脩靜故居。今名太虛觀。後有二瀑布。及白雲樓。  
夢溪筆談云。觀有竹。相傳脩靜所植。出苦笋。而味及甜。歸宗  
寺造鹹齏。而味及淡。蓋山中佳物也。山中人語云。簡寂觀中  
甜苦笋。歸宗寺裏淡鹹齏。楊傑詩。紫霄峯下陸先生。飛出  
紅塵。鶴羽輕斗。壇石礙雲三尺。丹井泉寒。月一泓。錢聞禮  
詩。先生舊隱在廬山。幽谷千年竹萬竿。偃松拂畫煎茶石。苦  
笋撐開禮斗壇。朱元晦詩。高士昔遺世。築室蒼崖陰。朝真  
石壇岐煉藥。古井深結交。五柳翁屢賞。無弦琴相携。白蓮社

一笑傾夙心。歲晚更市朝。故山鎖雲岑。柴車竟不返。鸞鶴空  
遣音。我來千載餘。舊事不可尋。四顧但絕壁。苦竹寒蕭森。  
蘇子由詩。山行但覺鳥聲殊。漸近神仙簡寂居。門外長溪淨  
客足。山腰苦笋助盤蔬。喬松定有歲。丹處大石仍存拜斗餘。  
弟子蒼髯年八十。養生世世授遺書。**白鶴觀**。在城西北二十里。今名為承  
奇秀岩穴之怪。遂林泉之茂。美為江南第一。此觀復為廬山  
第一。漁隱叢話。蘇子瞻云。司空表聖自論其詩得味外味。  
棊聲花院閑。幡影石幢高。此句最善。吾嘗獨遊五老峯。入白  
鶴院。松陰滿地。不見人。惟聞棊聲。然後知此句之工。蘇子  
由詩云。五老相携欲上天。玄猿白鶴盡疑仙。浮雲有意藏山  
項。流水無聲入稻田。古木微風時起籟。諸峯落日盡生煙。歸  
鞍草草還城市。慙延**真觀**。在城北四十里。舊名昭德。唐  
愧幽人正醉眠。



李林甫之女。李白送女真歸廬山詩美君相。尋真觀

門女學道愛神仙。一往屏風疊乘鸞。看玉鞭。在城北二十五里道藏經三十六洞天。此其一也。正唐元女冠蔡尋真居屏風疊之南。李騰空居屏風疊之北。此符

祥觀。觀記云秦末有武士三人留此。一夕雷電化成二溪。人受旨玉。康王觀。在城西七十里。按舊經楚康王避難。簡潛栖。於此山梁大同元年張道士置在洞。

裏至隋開皇丁道士移出洞銅為廟場置觀。祠廟陶威公祠。劉義仲記云。言陶公忠義之節橫秋霜而貫白日。晉史所書折翅之事豈有是乎。吳澣辨云蘇岐之誅庾亮恥為之屈。既士行溘先朝露後嗣零落。五賢祠。朱元晦祝文云。誤膺朝命來守。庚氏諤之耳。是邦至止之初得拜劉李二公。

之像于學欽。猗高風考觀正論。既有以慰夙心者。既又咨訪得陶公粟里故居於郡境。且知祕丞劉公蓋嘗祿于莞庫而忠肅陳公又嘗濂溪祠。朱元晦立。張敬夫記蓋自近辱為遷民也。世以來先生之書遍天下。士知

尊敬講習者。寢多而其間未免或失其旨。妄意高遠不由其序。游談相夸不踐其實。反以病夫真若是者。適為吾道之罪人耳。夫惟端篤惓惓近思躬履不忽於早。三賢祠。在廬

下而審察乎細微。是為不負先生之訓。山楞加寺。楊廷秀呈南尉太守曾致虛詩。山房牙簽三萬軸。六丁六取歸羣玉。空餘坡老枯木枝。雪骨霜筋插雲屋。楞伽老僧懷兩賢。作堂要與祠千年。只供清風薦明月。不用秋菊兼黃泉。江西杜東曾常栢李家玉潤蘓家客。併遣聖陽昭取來。分生廬山。劉西礪祠。黃魯直拜劉凝之畫像詩。弁官清泉上石。穎尾買完落星灣。身在菰蒲中名。



滿天地間誰能四十年保此清  
名官常應物唐人為  
刺史嘗

淨退往來澗谷中神光射牛背  
游賞于簡寂觀其詩卒章云曠歲懷茲賞  
行春始重尋聊將橫笛吹一馮山水音  
何易于攝建昌令

築縣西捍  
皇廟周頤春陵人嘗以呂公著薦擢廣東運  
判以提刑以病求知南康軍病劇

水堤  
上印分  
朱熹淳熙中為守值歲歉救荒有  
人物康俗

司南京  
漢武帝時封俗為大明  
陶潛義熙中為彭澤令郡遣督郵

公稱廬君詳見廬山  
向鄉里小兒遂棄官去賦歸去來詞嘗居廬  
李常字公擇士至御

山栗里蓋輿往來醉輒卧大石上今號醉石  
史詳見楞伽  
名賢翟道尋陽人晉王尊辟不就隱于廬山  
院注之南祖父子孫四世皆隱稱尋陽

四  
劉麟之字子驥一字道民即桃源記中劉子驥者也  
石林過庭錄遠法師白蓮社中遺民最勝

隱  
周續廬門人徙居建昌詣范甯受業入廬  
山與劉遺民陶淵明號尋陽三隱

人丁毋憂哀毀廬墓有慈烏來巢大  
李白圖經白性喜名山飄然有物外  
曆中旌表門閭朱文公嘗遣祭立門

志以廬阜水石佳處遂往游焉卜築五老峯下有書堂舊基  
後北歸猶不忍去指廬山曰與君再會不敢寒盟丹崖綠壑

神其鑿之杜甫詩匡山讀書處  
李淑詳見書  
頭白早歸來或以為綿之匡山

渙字疑之筠州人為穎上令掛冠歸隱廬山嘗作騎牛歌  
日我騎牛君莫笑世間萬事從吾好號西澗先生歐陽

脩作廬山高以贈之。朱元晦記云予假守南康訪求先賢  
遺迹得故尚書屯田員外郎劉公凝之之墓于城西門外草



棘中予惟劉公清名高節著于當時而聞于後世不幸饋莫  
無主而其立墓之寄於此邦者又如此亦是長民者之責也  
乃作小亭於前立門墻以限樵牧用歐陽公語  
名其亭以壯節因屬友人黃銖大書以揭焉  
之子司馬君實修資治通鑑以史事之紛  
錯者委之王介甫引為三司條例不就  
之孫詔為編脩至京自宰相以下  
並不造謁未幾致仕蘇子由有詩  
為嘉禾令以不奉行青苗謫官居山南與劉凝之乘黃犢往  
來以六十日盡南北之勝龍眼李白時畫為圖今有碑刻  
**陳瓘** 坐論蔡氏父子 **蘇庠** 字養直丹陽人少作清江曲  
最後謫南康 東坡見之嘆賞卜築廬山屢  
詔不題 **詠急呼疾索初不聞** 王介甫題望雲亭  
起 詩南康父老傳使

君云云未曾遣汲谷簾水三載祇望香爐雲雲徐無心靜無  
澤使君恬淡亦如此歛然一去掃遺陰便覺煩敲帳千里歸  
田負戴子與妻圃蔬園果西山西出門亭阜百頃綠望雲纒  
喜一犁足我知新亭望雲好欲斲比隣成二老莫嫌雞黍數  
往來為報襄

陽得公嫂

### 四六

疏綽天閣 眷此康廬 維地千里 即此星斗  
分符星渚 控于匯澤 擬江上流 創天斗壘

矧南山之道院 康廬萬古之山川 渺彭澤以為恩波  
為江左之名邦 白鹿幾年之文物 簞康廬而伴治蹟  
俗樸訟稀號山南之道院 歸宗寺古訪內史之墨池  
民貧土瘠資江上之商征 栗里源幽卧陶公之醉石  
鈴齋豐暇迎五老於清尊 長庚之詠瀑布題后無詩  
學館靜深討諸儒於黃卷 鴻漸之第水簾經中絕品



李氏山房尚訪森修之竹  
 漁溪故宅有懷淨植之蓮  
 白鹿書堂之創遺址猶存  
 紫陽夫子之來斯文大暢  
 棲賢峽漱玉亭壯矣坡仙之句  
 下京軒落星寺奇哉山谷之章  
 丹崖翠壑為青蓮仙客之舊遊  
 皂蓋朱轡振白鹿儒宗之興學  
 誦李仙屏風九疊之謠伸游汗漫  
 讀歐子廬山千仞之句心厭寵榮  
 雖出小郡環井邑於山光水色之中  
 猶幸大江通商賈於蠻煙瘴雨之外

即山南北之分疆尤欣接畛  
 豈江東西之異道遂靳餘波  
 郡得循良尤急索疾呼之政  
 山多奇秀有微吟緩諷之遊

新編方輿勝覽卷之十七

新編方輿勝覽卷之十八

信州

上饒 建安 祝 弋陽  
 玉山 弋陽  
 貴溪 鉛山 永豐

穆

和



建置沿革

禹貢揚州之域吳地斗分野春秋戰國迭為吳  
 是之地秦屬九江會稽二郡漢屬豫章之餘干  
 縣及會稽郡之太永縣三國又屬鄱陽郡葛陽縣之地晉  
 宋及隋屬鄱陽東陽二郡陳改葛陽為弋陽縣唐折饒之  
 弋陽衢之玉山常山及建撫二州之地  
 置信川 皇朝因之今領縣六治上饒

事要 郡名 上饒

寰宇記所謂一者以廣信

上同

上元元年因江淮轉運使元載之請謂川原夔  
 遠關防襟帶宜置州又謂其信可美也故名州 風俗土

瘠民貧 郡國志其一 文風日盛 同上自本朝來云云 形勝

地控閩粵 韓无咎修子城記一 犬牙於

閩 同上陶氏義居記 江吳閩越之交 元絳靈鷲寺序地據云云

為東南望鎮 李彌大玉山海法院記 今為通要

郡志福建湖廣江西諸道悉出其塗昔為左僻云云 嗇於水泉 洪駒父石井泉記富於巖岫云云

山鬱珍奇 鄱陽記產銅 土產水日明 靈山出一

亭與世為仇斤斧侵凌自不休水玉比來聞長價市人無數起相訓。梅宛陵送裴信州詩攢青歷歷向靈山刺史日坐

雲屏間楚人競握水晶 璞僕女買作玉佩環 山川靈山 在上饒西北九十餘里有七十二峯爾名

靈鷲山為州之鎮山眾峯聳天本岡勢迤邐從北來州宅枕其趾。韓无咎詩諸峯七十二磊砢畧可推定知水晶宮開

藏神 南屏山 在上饒其山由東南以來為波濤起之之狀及至於州治前則周環拱護秀潤之氣

可挹也 銅山 在上饒南四十里 鐵山 在上饒東南七十里 懷玉山 縣以此名

鈇山 石上饒面八十里 象山 在貴溪縣以形得名陸荆門九淵曩嘗作書院其上以待講學之士

且以自號云 龍虎山 在貴溪西南百里方與記兩石相峙山峯屹立狀若

月巖 在上饒西三十里上有穴穿出山背遠望如月。朱喬年詩鑿破曉巖不計春山腰千古掛水輪誰知孽



破三峯石聊出媿媚戲路人。陸務觀詩云幾年不作月巖游萬里重來已白頭雲外連娟何所似平羗江上半輪秋

**南巖** 云上饶縣十里巖旁巨石儼然其下寬平可生洞

**巖** 去玉山三十里林麓映巖石奇秀 **僂巖** 在貴溪南七十里峯巒削立高出雲表巖石嵌空多為洞

穴房室窓牖床榻倉廩棺槨雞犬禽鳥之狀晁太史以為太水時人宅山上所作。或題詩云稽天巨浸洗南荒上有千

峯骨立僂民未降立應 **徐巖** 在貴溪縣員外徐紹景讀書之所。王介甫贈詩云茂林

修竹翠紛紛坐占山阿與水清笑 **了頭山** 在弋陽西六十

傲一生雖自樂有司還欲選方聞 **頭山** 在弋陽西六十

岐首故名。或題詩云何不梳粧便嫁休長教人喚作 **分**

一后施達續云因此未有良媒在直到如今萬萬秋

**水山嶺** 在信州崇安縣界。朱文公詩水流無彼 **雲洞** 去

二十餘里 **神石** 在弋陽東橫出大溪 **玉溪** 在玉山 **弋**

頗有遊者 縣治賴以捍截波流 縣前 **葛溪** 在

**溪** 在弋陽東二十里有大石面如鑄弋字。元 **紫溪** 在

陽。施有吾弋陽訪古詩行逢一水 **紫溪** 在弋水縣南

不見葛仙人空拋青竹杖呪作葛帔神 **紫溪** 四十餘里有

**市** **鷺湖** 在弋山縣西南十五里上有葛玄家舊經謂昔有

山下稻梁肥狔穿雞栖對掩扉桑柘影斜春社散家家扶得

醉人歸。淳熙初年晦庵朱文公象山陸公曾于此地。陸

子靜詩墟墓生哀宗廟欽斯人千古最靈心消流積至滄溟

水拳石崇成秦華岑易簡工夫終久大支離事業竟浮沉欲



知自下升高處真偽先須辨古今。朱元晦次韻德義風流  
夙所欽別離五載更關心。偶扶藜杖過寒谷又枉藍輿度遠  
岑舊學商量加粹密新知培養轉深沉。只愁說到無  
言處不信人間有古今。二詩兩存之以俟后之君子。

### 宗文書院

在鈇山縣鵝湖寺淳祐庚戌江東提刑蔡抗  
建奏請于朝御書今額蓋文公朱先生象

山陸先生曾

### 堂亭面山堂

在州宅。晁太史詩誰榜  
鈴齋作面山晦冥終日捲  
在玉山縣廳東不知創始  
之自。章希言詩于層懷

講辨于此  
簾看賦成夜燭總銷  
寸銜退朝曦未半竿

### 玉光亭

玉對軒窓池上新亭號玉光抵此便堪為吏隱神仙官職水  
雲鄉。王介甫詩傳聞天玉此埋湮千古誰分偽與真每向  
小庭風月夜却  
疑山水有精神  
軒榭絕塵軒  
韓无咎記貴溪尉舍舊  
有黃梅出於垣間元符

已卯歲寥明畧舉宋廣平之事題曰能賦堂以况尉君曾敬

之也明畧既為之記而晁无咎題其后謂其於敬之遠矣又

和其試茶看花二詩有兩絕塵之句則敬之為人固可知也

後八十有二年福唐鄭肇之為尉于此乃葺堂而更新之訪

梅之枿而增培之予因傍之

### 祠廟陸象山祠

先生撫  
州人謚

曰絕塵蓋取無咎詩中語也

文安學者即象山

### 名官

柳渾

為豐永  
縣令

### 皇朝錢易

為信

書院而為之祠  
倅。揚大年送行詩家

### 章得象

為玉  
山令

### 孔武仲

為推  
官修

廟藏金券京塵弊黑貂

### 晁補之

紹聖中嘗  
為酒官

### 王愈

汪彥章二喜後  
樂二堂碑云宣

學記謂為教  
授蓋權耳  
和閭盜發清溪入睦入歙蹂十二州之地初却使者不以聞  
守州令邑者比疆連壤無一人奉尺書為朝廷言者獨信州



王公曰賊不百里俯吾境萬一不戒如吾民何即斥金帛募士增陣俊隍修戰鬪其賊果以偏師嘗我克之已而盡銳攻虢數萬乃縱奇兵鏖擊大敗拔營去追奔俘馘至不勝計縛其偽統軍以獻東南以平愈進職若官殊等

**陸鴻漸** 號東岡子在皇朝張叔夜 靖康間將勤

為簽書樞密后死國難其家葬衣冠於靈鷲山后立廟賜名族忠朱文公為記

**鄭驥** 字聖錫王州虜入寇死

之遂與張叔夜立雙廟 **陳康伯** 弋陽人為汪應辰

洋紹興進士第一 **韓元吉** 字元咎號南

賜今名仕至端明 **徐元杰** 上

人任辰廷對第一仕至國子祭酒禮部侍郎自號棊望

茂實序其文集曰士君子有正主庇民之學不幸當其時之

所難積誠所感既足以回事勢於危疑天鋒深忌竟殞其身

於非命漢之蕭望之李固杜喬近日之棊望是也望之以身

悍恭顯固喬以身捍梁冀棊望以身捍權巨或誤下廷尉死

或同日以獄死或以非病死其死一也獄死者蓋甚明而非

病死者至今未得明其尤可悲也夫棊望蚤從朱文公先生之門人陳君文蔚游又嘗取正於真文忠公其學因已知大標本而心事真切禍福利害有所不入又其所素長也故自其對大廷已純正不雜而其後入告又皆忠實无隱學者稱之淳祐甲辰適值權臣起復去館之士譁然言于天子之廷天子疑焉公以二疏入對經喉明白懇到上當帝心自是靡言不聽權臣奪起復而杜立齋相游克齋召矣當是時朝廷清明眾正來會公論為之大快臣知有忠子知有孝士大夫知有邪正上之嚮公意日甚而公身遂危矣公年事未衰頤養無玷一旦遽罹千死中外震驚行道之人莫不愀然



以疑廟堂即寺監百執事皆為之寢會食嗟夫孰不有死公  
之死亦異矣哉當是時朝廷詔獄而檢士以身任折獄之責  
其事竟不得而明至今累年矣忠臣義士未嘗一日不究之  
追論往事至有為之泣下者近廷紳狂佞之夫忽唱異論謂  
公死實喝死且誣公以羽翼權臣曲學阿世而破千萬載公  
議之是非其疏一出萬口唾斥於公何傷而其人之亡忌憚  
乃至於是重為世道嘆也公之子直諒直方文學氣節克肖  
厥父以公遺文來請序余讀之盡卷其正大如望之其忠切  
如喬固而其歿又皆可閔故併論之淳  
祐已酉夏四月壬寅朔後儀趙汝騰序  
**名賢龐籍** 祥符中侍  
其父為鉉山令嘗  
**楊億** 字大年祖文逸宰玉山億生之夕  
隸業於崇壽院 文逸夢一羽衣自稱懷玉山人覺  
而億生億后有詩送表弟章得象知玉山縣云懷玉煙霞接  
武夷我思祖德涕沾衣縣齊製錦留遺愛庭樹藏環長舊園

彭澤公田今已廢遼東邑子半應非  
津亭送別空回首籍在金門未得歸  
**題詠傳聲典信**

**州** 杜子美送王信州詩  
云下詔選即省云云  
**強喚作知州** 徐俯詩云雲  
洞省雲坐月

巖和月留元來  
是野老云云  
**冰為溪水玉為山** 唐戴叔倫送人  
之廣信詩有云

家在故林吳楚間云云更將善  
政化鄰邑遙見通人相逐還  
**地僻山深古上饒**

白居易送人貶信州判官詩云云士風平薄  
道程遙不惟遷客頽棲屑見說居人也寂寥  
**銅鈛滿冗**

**山能富** 盧綸送信州姚使君詩云朱韜徐轉擁羣官猿  
鳥無聲郡守寬楚國上腴收賦重漢家良牧得

人難云云鴻鴈運群地亦寒幾日  
政聲聞外戶九江行旅得相歡







民不迫遽

趙汝礪誌處士夏侯君墓地有金錫絲泉魚稻之饒故其云云

其人喜

儒

同上云云故其俗不鄙

薦士德興為最

汗彥章德興縣樓記環饒之境歲以

士薦于州其縣六而德興為最雖其風氣使然亦山川有以相之

有陶唐之遺風

元祐

餘于進士都頡曰

履番君子故地

劉禹錫峇微之書頻江之地饒為大

堯山之民云云

形勝據大江上流

趙汝

云云漸甌越之遺風餘干有畝鍾之地武林有千章之材

地沃土平

歐陽詢法帖云年二十時至鄱陽縣喜其一

土產

白金

程迥撰重建德興廳事記元祐四年銀湯廢以至于今耆老云方產一小時邑無後造之民自後與計偕

登科級者甲于饒之諸邑名儒鉅公相望而出矣

鎔銀擷茗

唐元稹行齊照饒州刺史制饒為沃

野而都有一

冶鑄之地

開寶間置錢監于鄱陽後分于饒鄱淳熙復併歸饒

魚

蝦之鄉

郡志瀕江郡蓋云云

山川堯山

在鄱陽西相傳堯時逢水避難者居之

芝山

洪遵詩注云唐元朔間山產芝草故名又云饒瀕大江而一院危坡屹起可以眺望。范希文詩樓殿

冠崔嵬靈芝安在哉雲飛過江去花落入城來

石印山

圖經吳時鄱陽歷陵山石文理成字諺云石印

啓封天 餘干山

一名羊角山兩峯回面相向狀如平角有乘風亭為一邑絕覓之地天氣清名

望見廬山今 樂平山

在縣西十里一名石墨

文筆峯

乃妙果禪院一



塔范希文曰此文章之應也名為一一一枕湖水目為硯池且謂二十年後當出狀元治平乙巳趙尚書汝礪杲廷對

第一石城巖 在樂平縣南六十里九十里餘里間皆怪石李帶名曰叢玉李白時寫為圖曾肇諸人皆有

詩洪巖 在樂平東北九十里此巖最著其中雲氣泉聲相雜雷岡 大一一雷義仲所居小一一雷

煥所居 鄱陽湖 其湖綿數百里中有山 鄱江 三縣水合流入彭蠡湖 琵琶

洲 在餘干縣南水中擁沙成洲狀如一一一唐朝韓賓客裴尚書李侍郎故居方干詩載戶盡移天上去里人空說

舊簪纓。容齋三筆云紹興中汪洋一絕句云塞外風煙能記否天涯淪落自心知眼中風物參差是只欠江州司馬詩

堂亭 慶朔堂 在州治范希文創取古諸侯歲朔之義公詩云一一一前花自裁便移官去未

曾開年年憶看成離 恨抵託春風管勾來 得心堂 在州宅取吳易得民心之義范希文名 識

山堂 在州宅望廬山於三百里外最為楚東勝地 四望亭 在郡城上范希文建。汪彥章

詩縱橫盡得江山勝俯仰方知宇宙寬千里風煙環廣坐白時星斗轉危欄。王龜齡詩有澤宜觀水無簷不礙山鄱君

千里國俯仰一亭間 秋香亭 在坑治范希文有賦 白雲亭 劉長卿餘干縣故城詩孤

城上興白雲深萬古荒涼楚水西官舍已空秋草綠女墻猶在夜鳥啼平江渺渺來人遠落日亭亭向客低沙鳥不知陵

谷變朝飛暮去弋陽溪。黃魯直次韻吳可權詩曩誰築孤亭勝日有感遇永壞劉隨州因榜白雲句遺老不能談新陳

忽成屢綠陰斤斧盡華屋風雨仆吳侯七閩英宰縣有真趣弦歌解民愠根節去吏蠹材收佛宮餘工有了來助厦成燕



雀買水滿鳧鴈蕭四海名士來一笑佳客聚雲興碧山留雲  
隨清江去斯須成蒼狗皆道不如故至人親萬物誰有安立  
處寄語吳令君

### 千越亭

與白雲亭相對李德裕建推載  
之詩一一邊歲暮逢。劉長

但遺糟床注  
卿詩云天南愁望絕亭下柳條青落日獨歸鳥孤舟何處人

○王龜齡詩云我來都君山水州山水入非常遲留絕勝遙

瞻雲錦洞清音下瞰琵琶洲千越亭前越風起湖

遠鄱陽三百里晚來一雨洗清秋身在江東畫圖裏

### 聚遠

### 亭

在德興縣中最勝處郭  
功父趙閱道皆有詩

### 五峯亭

張安國和鄱陽一  
詩云廬山真

滿眼秀句  
憶東坡

### 樓臺鄱江樓

在南城上唐有  
此名有錢起詩

### 祠廟饒

### 娥廟

柳宗元一一碑云娥父醉渙風卒起不能舟遂以  
溺死娥聞父死走哭水上氣盡伏死明日龜魚鼉蛟

浮死萬數鄉人  
葬娥鄱水西

### 名官周魴吳芮

漢人為番陽縣令  
得江湖間民心

### 虞翻

按會稽典錄云文章之  
士則鄱陽太守一一也

### 虞溥

晉人為

### 王廙

晉人為內

史立學  
北門內

### 陸襄

梁人為

### 柳莊

隋人

### 梁文謙

並為刺史

### 張廷

### 珪人顏真卿

為刺史

### 李德裕

為餘干令

### 皇朝范仲

### 淹

生朋黨出知饒州。冷齋夜話云公守饒日有書生獻  
詩甚工自言平生未嘗飽時歐陽率更薦福寺碑墨本

直千錢文正為打千本使售京師紙墨已且一  
夕雷擊碎其碑東坡詩一夕雷轟福薦碑是也

### 王安石

為本路  
提刑

### 人物陶侃

鄱陽縣人今城中之延賞坊  
即其故居也後徙居尋陽

### 皇朝



洪皓

樂平人奉使北虜不屈後講和好還朝兼權直院出知鄉郡三子迨遵邁皆中詞科繼踵北門邁作謝表

云父子相承四上鑿坡之直弟兄在望三陪鳳閣之遊時人

榮之以為忠義之報迨為相自號盤洲遵為樞密有別墅白

小隱邁為內翰有別墅白趙汝愚居餘干為相。趙蕃

野處孝宗御書二字有詩云五王不解去

三思端能殺望之未到洛溪讀唐頌已留衝嶽泮相累

生前免焚書禍死后重刊黨籍碑滿地蒺藜誰敢哭謾留

楚此作哀詞題詠江向弋陽斜李端送樂平苗明府詩

里賒山從古壁斷云云暮色隨楓樹陰云本自來彭澤誰云道

雲暗荻花諸侯舊調馬應重宰臣家饒陽因得富

州名唐章孝標送饒州張使君詩云云不謂農桑別有營

日煖持箱依茗萸天陰抱火入銀坑江寒魚動槍旗

影山晚雲和鼓角聲太守能三出邊城鬢似絲范希

詩兼愛靜西樓見月幾篇成文詩云云齋中瀟洒過禪師每踈歌酒綠多病不負雲山賴

有詩平雨黃花秋賞健一江明月夜歸遲人間禍福何須道

問着衰翁也自知惠及饒民幾萬家李深題范文正公祠

也自知惠及饒民幾萬家李深題范文正公祠堂詩一章奏免貢新

茶云云遺老至今懷德杖藜携酒看芝山葉少蘊

政為余談此屢咨嗟劉季孫以左班殿直監饒州酒稅王介甫為江東提刑循歷

案務見屏間有詩云風吹燕落簾間底事驚回夢裏閑話與

傍人都未信云云公大稱賞問誰所作或以季孫對台之

與語嘉嘆升車而去不復問務事既至傳舍郡學生請差官

攝州學事公判監酒殿郡國開處是詩題姚合送

直一郡大驚遂知名云

郡國開處是詩題

饒州張



使君鄱陽勝事聞難比千里連連是稻畦山寺去時通水路  
云云化行因免農人勸庭靜惟多野鶴栖飲罷春明門外別  
蕭條驛路  
江到潯陽九派分皇甫冉送李錄事赴  
夕陽低

紛鴈叫汀洲不可聞積水長天隨遠客孤舟極浦足寒雲山  
從建業千山遠云云借問督郵纒弱冠府中年少不如君

四六  
榮分漢竹 維時饒郡 州名岩富 江湖之濱  
小駐鄱江 自古興區 郡計不優 水陸之會

矧秉楚之名邦 乃眷舟車之會 眷吳頭楚尾之邦  
實番君之故國 設為治鑄之揚 得名久杜母之政

番君山水之國惠然臨之 餘干乃昔之故都有華作牧  
范公廊廟之材自此升矣 遠方聞滕之仁政必願受屢

廣谷大川當吳楚之交會 州以富名擅頡若鎔銀之利  
流風善政有顏范之興刑 地皆沃土夸植桑播穀之饒

拜顏魯公于堂已知磊落 棠棣相輝有洪盤洲之人物  
繼范文正之轍行即騫騰 公槐進位乃趙忠定之聲名  
地饒縣泉未志逐末之風 地沃土平請閱率更令之帖  
江富魚蝦亦足養生之具 江寒山曉更吟張孝標之詩  
抗章而辭蓬島似厭直廬 番君得江湖之心定酬民望  
携酒而看芝山肯臨使郡 雷令侯斗牛之氣乃借隣光

# 廣德軍

廣德 建平

建置沿革 禹貢揚州之域吳地斗分野春秋屬吳楚之伐  
吳及桐汭其后屬越戰國屬楚秦置鄣郡漢置

改鄣郡為丹陽郡復以為廣德國封中山靖王之後後漢  
置廣德縣晉屬宣城縣宋立綏安縣梁分置石封縣隋改  
石封為綏安縣又屬宣州又更綏安縣為廣德縣 皇朝  
建為廣德軍以即步鎮置建平縣以隸焉領縣二治廣德



事要郡名桐川

廣德縣西南有桐水故名

桐汭

水內曰汭

風俗

民醇事簡

桐汭志云云號江東道院

食貨富饒

南豐鼓角樓記

形勝

故鄣之墟

同上云云

體如大邦

同上

溪流枕其后

郡志三峯拱其前云云

山川靈山

在軍南七十里泉石甲於一郡

橫山

城外五里最為

峻鴉山

產茶。梅詢詩茶羹一一雪滿甌

伍牙山

在建平伍員伐楚經此

東

湖

在朝陽門外三十里

南湖

去建中四十里入丹陽湖

桐水

在軍西北源出白石自宣城界

流入丹陽湖

堂亭靜治堂

在郡治

秀遠堂

陳天麟詩云第槃秩針入

圖畫令人魂

樓臺鼓角樓

曾子固記云熙寧元年冬廣德軍作新門一一一成

太守令文武賓屬以落之既而以書走京師屬華曰為我記

之鞏辭不能書反覆至五六辭逆為文曰蓋廣德居吳之西

種故障之墟境大壞沃食貨富攘人力有餘而獄訟赴訴財

貢輸入以縣附宣道路四阻衆不便利歷世久之太宗皇

帝在位四年乃按地圖因縣立軍使得奏事專決體如大邦

自是以來田里辨爭歲時稅調始不勤遠人用宜之而門閭

隘庫樓觀弗飾於以納天子之命出令竹化朝夕吏民交通

四方覽示賓客弊在簡陋不中度程治平四年尚書吏部員

外郎知制誥錢公公輔守是邦始因豐年聚財積士將改而

新之會尚書駕部郎中朱公壽昌來繼其任明年政成封內

無事乃擇能吏揆時厄徒以畚以築以繩以削門阿是經觀

闕是營不督不期役者自勸自冬十月甲子始事至十二月

關是營不督不期役者自勸自冬十月甲子始事至十二月



甲子卒功崇壘岷興後宇相瞰壯不及僭麗不及奢憲度政  
理於是出納士吏賓客于是馳走尊施一邦不失宜稱至于  
伐鼓鳴角之以警昏昕不漏數刻以節晝夜則又新是四器列  
而樓之邦人士女易其聽觀莫不悅喜推美頌嘆天禮有必  
隆不得而殺政有必舉不得而廢公於是兼而得之宜刻金  
石以書美實使是邦之人百世之下於二公之德尚有攷也  
**集仙臺** 在祠山絕頂乃張玉興迹之地守梅詢建。詢  
詩與郡守王渙曰我有集仙經始在勞君一到  
**為重** **祠廟** **張王祠** 在軍西五里祠山上顏真卿碑新  
修 室之亂野火焚其祠又云其靈跡  
自漢始著或 **名官** **皇朝** **范仲淹** 言行錄范希文以  
云即張安世 獄與太守爭是非守盛怒公不為屈歸必記其  
司理日抱其 語于屏上比去至字無所容貧止一馬鬻馬徒  
往復辨論之

步而歸。孫覺萃老以詩紀其事云維時陞宰下枉直情畢  
通太守異趣舍挺然不曲從事事爭救之粉屏記其終官小  
俸祿薄家居率窮空賣 **梅詢** 為太守 **孫覺** 為右正言因論  
馬以自給徒行氣彌克 守 青苗之害默知

**廣** **人物** **張介** 隱居城北紹聖間正言孫諤出守是邦嘗  
德 携酒造之與之酬唱有竹林藏月讀書家

之句屢欲薦于 **查深** 字道源力學隱居郡守錢公 **題詠**  
朝力辭不就 輔葉堂延請教誘郡人子弟

**濃綠浮空四面山** 李參政光留題郡子城三峯樓  
曰上虞李泰定提兵平宣城寇

回登此留宿紹興壬子季春五日題一川花柳擁  
雕欄云云便欲携家來此住不將名姓落人間

**四六** 疏榮之檢 恭命竹符 析宣城之雷邑  
束收桐川 承流桐汭 創汭水之斗邦



載仰行都未覺九重之天遠  
雖云文壘足當一路之風寒  
指日待糧皆尺籍位符之舊  
無時致餽當大車駟馬之衝  
自孫莘老之分符尚存詩句  
及查道源之設教益盛文風  
城角吹梅曾是曾南豐之作記  
園扉鞠草况逢范文正之詳刑  
范文正盛時之名相理棧嘗臨  
曾南豐間世之大儒譙樓是記

凝燕寢之香文書既簡  
煮鴉山之雪風咏亦清  
高牙列戟體未遜於大邦  
堅甲利兵備實嚴於要地  
事簡民醇昔蓋稱於道院  
財殫賦蓄今頗窘於軍需

新編方輿勝覽卷之十八

新編方輿勝覽卷之十九

江西路

隆興府

南昌  
武寧

新建  
豐城


奉新  
進賢

分寧  
靖安

建安  
安  
祝

穆

和父編



建置沿革

禹貢揚州之域星分翼軫春秋戰國屬楚秦屬九江郡漢高祖始置豫章郡東漢因之隋為洪

州唐置洪州總管改曰都督府又置觀察使陞節度使後  
避代宗諱止稱章郡加鎮南節度南唐遷都南昌國朝  
復為洪州以為江南西路兵馬鈐轄升馬步軍都總管升  
安撫使以孝宗皇帝潛藩賜府額今統郡十一領縣八  
治南昌新  
建兩縣



江西轉運置司

事要郡名 豫章

陳留風俗記曰豫章以木氏都酸棗以棘名邦。應劭漢宮儀曰有——

生于庭中木嘗枯晉永嘉中一旦更茂咸以為中興之祥其後元帝東興大業焉

南昌

見前公草注

洪都

王勃記——新府。星子志隋文帝以洪崖所居遂以名州

風俗 俗同吳

中

隋豫章之——其君子善居室小人勤耕稼

風土爽塏

豫章記云云山川特秀

土沃人庶

白居易行裴堪制云云今之與區

人傑地靈

王勃宴滕王閣記

人好經學

晉書范宣豫章人以講誦為業譙國戴逵聞風宗師自遠而至太元中太守范甯亦立鄉

校教授常數百人由是並

人尚黃老

雷次宗豫章記——清淨之教

好經學化二范之風也重於隱遁蓋洪崖徐孺子之風也

人自得於江湖之外

見後韓愈重修滕王

關形勝地接衡廬

見復王勃滕王閣序

上控百粵

唐杜牧文集

吳頭楚尾

職方乘記豫章之地為——

左九江右洞庭

孤獨

及襟三江帶五湖

見後王勃序

當淮海之襟帶

封

滕王閣記有長江巨湖為之浸有靈嶽名山為之鎮云云作吳楚荆蜀之把握

扼甌閩交廣

之吭

汪彥章記云云

東南一都會

南豐門記其境屬於荆閩南粵方數千里其田



宜杭徐其賦粟輸于京師為天下最在江湖間也  
凡十一州五十六

縣官吏皆受約束  
鄭州鄉五  
賢堂記  
土產 雙井茶

黃魯直送一一與蘇子瞻詩人間風日不到處天上玉堂

森寶書想見東坡舊居士揮毫百斛雙明珠我家江南摘雲

腴落磴霏霏雪不如為君喚  
山川南昌山  
雷次宗記

起黃州夢獨載扁舟向五湖  
在一一

高水激遠  
西山  
余安道記在縣西四十里巖岫四出千峯

灑如風雨  
北來嵐光染空高二千丈屬連三百里水

經云有天寶洞天。唐宋詩話載詩僧詩洪州  
大雄山

太白方積翠倚穹蒼萬古遮新月半江無夕陽  
真跡枕危巒

即吳猛得道之所勢出群山。唐宣宗詩一一  
古梵層樓峻萬般日月每從肩上過山河長在掌中觀仙

不問三春秀境無時六月寒更  
南山  
在分寧隔溪跨橋

有上方人罕到寒鍾朝磬碧雲端  
穿石竇而入懸崖

峭壁下瞰修水有釣磯石玉溜石有黃  
鳳山  
在分寧

山谷題字與鳳山對轟周覽一縣之景  
多靈草  
幕

阜山  
在分寧西百四十里。黃魯直詩山  
始豐山  
在

行十日雨沾衣一一峯前對落

城南七十里即神仙  
柳山  
在武寧縣西四十里縣之絕景

三十七福地之一也  
唐史一揮棄官隱于武寧一

梅山嶺  
在西山極峻處相傳  
在分寧東北二十

蘭茝黃魯直云一一為天下勝  
清水巖  
在分寧東北二十

處若前平行可坐千人亦有詩  
洪崖  
去郡三十里。楊

翠岩應宮之間石壁峭絕飛泉北來其下井洞深不可測

每歲六七月時水高一二丈湍激可畏其傍人語不相聞及



過井洞即聲勢斗殺鏢流出山前代有異人居之世  
以為一一先生云先生三皇時人蓋得道之士也

西有 **鳴水洞** 在分寧縣黃龍山之東水行石  
間高數十丈聲如雷霆韓駒有詩 **天寶**

**洞** 在新建西八十里西山勝絕處也道經所載第八洞天  
楊無為詩云一一中如不到西江元似不曾來

**章江** 源出 **東湖** 在郡東南周廣五里。後漢太守張恭  
築塘謂之南塘宋太守宋興宗更築小

塘。唐地理志常丹開斗門。南豐徐孺子祠堂記云南昌  
城西有孺子宅又李侍郎虛已徐樞密俯皆卜築湖上俯自

號一一居士。郭功父詩云一一八望晚波平蒲葉  
團荷各自青不用更尋徐孺宅編茅措竹一碑亭 **宮亭**

**湖** 西有宮亭神 **日月湖** 識云一一一 **石人灘** 在  
能分風上下 明良將出

賢北識云石人 **投書渚** 殷羨為豫章守乃去郡人多附  
灘合狀元生 書一百餘封行至江西石頭渚

岸以書投水中祝日沉者自沉浮者自 **龍沙** 在郡北堆阜  
浮殷洪喬不是寄書郵時人號一一一 逶迤潔白高

峻而形似龍舊俗九日登高於此。孟浩然詩龍 **南浦** 在  
沙豫章北九日掛帆過風俗因時見湖山發興多 廣

潤門 **劍池** 曹續廟記在豐城縣之故址。陰鏗詩清池自  
外 湛淡神劍久遷移元復連星氣空餘似月池

**修水** 在分寧西六十里其源自郡城東北流六百三十八  
里至海昏又東流百二十里入彭蠡湖以其遠故曰

修 **井泉雙井** 在分寧縣西二十里黃山谷所居之南溪  
有二井上人汲以造茶為草茶之第一

**湯泉** 在奉新縣 **學校東湖書院** 曹趙崇憲創于添  
九仙院側 倅廳之舊基滕強



怒以逼近市廛請于朝  
遷之東湖晏家山上

### 堂亭民安堂

胡徽猷陸辭  
上有使民安業

之語

### 正義堂

在漕司取理財正辭  
之義張安國書為

### 南浦亭

在廣潤  
門外往

來艤舟之所唐已有之。王介甫詩南浦隨  
花去回舟路已迷暗香無覓處日落盡橋西

### 愛蓮亭

在南

昌縣治以濂溪  
嘗宰是邑故名

### 幽谷亭

在靖安縣。曾子固詩行盡車  
馬塵豁見水石環誰為千家縣

正在清

### 石頭驛

汪彥章一記云自豫章絕江而西有  
山屹然並江而出者石頭渚也阻江負

城十里而近。韓愈次一寄江西王中丞詩憑高回馬  
首一望豫章城人由戀德泣馬亦別羣鳴寒日少始照風江

遠欲平默然都不  
語應識此時情

### 樓閣物華樓

舊在西城上。王介  
甫詩千里名城楚上

游江山多

### 滕王閣

在郡城西唐高祖之子滕王元嬰所  
建夾以二亭南曰壓江北曰挹秀自

唐至今名士留題甚富。初滕王閣成九月九日都督大宴

滕王閣宿命其婿作序以夸客因出紙筆徧請客莫敢當勃  
欣然不辭都督怒起更衣遣吏候其文輒報一再報語益奇

乃矍然曰天才也。王勃秋日燕滕王閣詩序南昌故郡洪  
都新府星分翼軫地接衡廬襟三江而帶五湖控蠻荆而引

甌越物華天寶龍光射牛斗之墟人傑地靈徐孺下陳蕃之  
榻雄州霧列俊彩星馳臺隍枕夷夏之郊賓主盡東南之美

都督閻公之雅望棨戟遙臨宇文新州之懿範旌帷暫駐十  
旬休暇勝友如雲千里逢迎高朋滿座騰蛟起鳳孟學士之

詞宗紫電清霜王將軍之武庫家君作宰路出名區童子何  
知躬逢盛饌時惟九月序屬三秋潦水盡而寒潭清煙光凝

而暮山紫儼驂騑于上路訪風景于崇阿臨帝子之長洲得



仙人之舊館層巒聳翠上出重霄飛閣流淵不臨無地鶴汀  
鳧渚窮島嶼之縈迴桂殿蘭宮列岡巒之體勢披綉闥俯雕  
甍山原曠其盈視川澤吁其駭矚閭閻樸地鍾鳴鼎食之家  
舸艦迷津青雀黃龍之軸虹銷雨霽彩徹雲衢落霞與孤鶩  
齊飛秋水共長天一色漁舟唱晚響窮彭蠡之濱鴈陣驚寒  
聲斷衡陽之浦遙吟俯暢逸興遄飛爽籟發而清風生織歌凝  
而白雲過睢園綠竹氣凌彭澤之樽鄴水朱華光照臨川之  
筆四美具二難并窮睇眄于中天極嬉遊于暇日天高地迥  
覺宇宙之無窮興盡悲來適盈虛之有數望長安于日下  
指吳會于雲間地勢極而南冥深天柱高而北辰遠關山難  
越誰悲失路之人萍水相逢盡是他鄉之客懷帝閣而不見  
奉宣室以何年嗟乎時運不齊命途多舛馮唐易老李廣難  
封在賈誼于長沙非無聖主竄梁鴻于海曲豈乏明時所賴  
君子安貧達人知命老當益壯寧知白首之心窮且益堅不

墜青雲之志酌貪泉而覺爽處涸轍以猶懼北海雖賒扶搖  
可接東隅已逝桑榆非晚孟嘗高潔空懷報國之情阮籍猖狂  
豈效窮途之哭勃三尺微命一介書生無路請纓守終軍之  
弱冠有懷投筆慕宗慤之長風捨簪笏于百齡奉晨昏于萬  
里非謝家之寶樹接孟氏之芳隣他日趨庭叨陪鯉對今  
晨奉袂喜托龍門楊意不逢枕凌雲而自惜鍾期既遇奏流  
水以何慙嗚呼勝地不常盛筵難再蘭亭已矣梓澤立墟臨  
別贈言幸承恩于佛餞登高作賦是所望於羣公敢竭鄙懷  
恭疏短引一言均賦四韻俱成。滕王高閣臨江渚佩玉鳴  
鑾罷歌舞畫棟朝飛南浦雲珠簾暮捲西山雨閑雲潭影日  
悠悠物換星移幾度秋閣中帝子今何在檻外長江空自流  
。韓愈重修滕王閣記云愈少時側聞江南多登臨之美而  
滕王閣為第一有瑰奇絕特之稱及得三王所為序賦記等  
壯其文辭益欲往一觀而讀之乍守揭陽又不得南昌償



所願馬至州之七月詔以太原王公為御史中丞觀察江南  
西道洪江饒處吉信撫表悉屬治所八州之人前所不便及  
所願欲而不得者公至之日皆罷行之大者驛聞小者立變  
春施秋殺陽開陰閉今修於庾戶數日之間而人自得于湖  
山千里之外吾雖欲出意見論利害聽命于幕下而吾州乃  
無一事可暇而行者則滕王閣又無因而至焉前公為從事  
此邦適治新之公所為文實書在壁今三十年而公來為邦  
伯于是棟楹榭折者以新之既訖功以書命愈日子其為  
我記之愈既未得造觀竊喜載名其上雖老矣如獲從公  
游尚能為公賦之○杜牧詩滕王閣中綺席開枯枝蠻鼓殷  
晴雷垂樓萬募連雲合破浪千帆陣雨來未掘雙龍牛斗氣  
高懸一榻棟梁林連已控蜀知何事珠翠沉檀處屢催○王  
介甫白浪翻江無已時陳蕃徐孺去何之愁來徑上滕王閣  
反覆文公一片碑○王平甫詩滕王昔日好追遊高閣依然

枕碧流勝地幾經興廢事夕陽偏照古今愁城中樹密千家  
市天際人歸一葉舟極目煙波吟不盡西山重疊亂雲浮  
秋屏閣 在大梵寺之側一目可盡江山之勝○潘道遥  
有詩云窺魚白鳥明殘照抱石幽雲點半山

寺院 上藍院 唐馬祖常一禪師道場 今為府城叢林第一 雙林院 在

安縣北五里 柳公權書額 雲溪寺 在新建縣西二十里曾子固王介  
甫來遊樂其山水之勝後於其旁

卜居今為 香城寺 在豫章西山○陳陶有詩云十地岩  
禮竺皇旃檀樓閣半天香祇園樹老

梵聲小雪嶺花香燈影長寶漢落泉供月界蓮壺 道觀玉  
靈鳥待雲房何年七七空人降金錫珠銀滿上方

陰萬壽觀 在新建縣界舊名游帷觀初許旌陽學  
道於丹陽黃堂嘗以五色錦帷施於黃



堂及旌陽上升錦帷飛還故宅俄復升天晉遂立遊幄觀唐  
有道士胡惠超有道術能役鬼神其瓶觀也以夜典工至曉  
則止今正殿雄麗非人工所能致其扁榜有游帷之觀四字  
乃徐錡書祥符中改賜玉隆萬壽觀額。楊無為詩四十口  
升金闕去半千  
鐵柱觀  
政和間改建其宮詩旌陽既斬  
蛟蜃謂豫章濱水之地百怪叢

居吾上升之後或害人鑄一  
鐵索封鎮蜃火又奉新縣延真觀有鎮蛟石尚存  
祠墓

### 梅山祠

在南昌尉廳。揚廷秀詩梅即絳節朝玉臺朝  
遊五城暮九垓遺民香火答遺愛何年祠屋荒

蒼苔劔津詩客子張子住持仙壇判山水上書台斗大居士  
作緣冰漕皇華使二臺併檄孔家兄經始新祠不日成西山  
南浦作賀賓野  
梅官柳俱歡聲  
瀟溪祠堂  
朱元晦祠記隆興府學教授  
南康黃君灝既立一先生

之祠於其學而以書來語某曰先生之學自程氏得其傳以  
行於世至於今而學者益尊信之以故白其鄉國及其平生  
遊官之所歷皆有祠于學以致其瞻仰之意若此邦者蓋益  
先生之仕國也而視于其學獨未有所祠奉灝也既言于府  
而敬立之且奉程氏之先生以配焉又將竊取其書日與學  
者誦習之而患未知其所以說也吾子蓋嘗為是以幸衆吾  
邦之人是殆有以識其意者願得一言以記茲事庶乎有以  
發也某謝不敏而黃君要之不置某惟先王之學之奧固非  
末學所敢知抑不敢謂無其志者矧黃君之請之勤若是亦  
安得不為之言乎蓋常切謂先生之言其高極乎元極太極  
之妙而其實不離乎日用之間其幽探乎陰陽五行造化之  
蹟而其實不離乎仁義禮智剛柔善惡之際其體用之一源顯  
微之無間秦漢以來誠未有臻斯理者而其實不外乎六  
經論語中庸大學七篇之所傳也蓋其所謂太極云者合



天地萬物之理無不在是故曰無極而太極以其見天地萬物之理而元氣與形故曰太極本元極也是豈離乎生民日用之常而自為一物哉其為陰陽五行造化之賾者固此理也其為仁義禮智剛柔善惡者亦此理也惟此理而安焉者聖也復此理而執焉者賢也自堯舜以來至于孔孟其所以相傳之說豈有一言以易此哉願孟氏既沒而諸儒之智不足以及此是以世之學者茫然莫知所適高則放於虛無寂滅之外卑則游於以博華侈之中自以為道固如是而莫或知其非也及先生出始發明之以傳於程氏而其流遂及於天下天下之學者於是始知聖賢所以相傳之實乃出於此而有以用其力焉此先生之教所以繼往聖開來學而有其功于斯世也今黃君既立其祠以及於程氏而又欲推其說以傳學者是必有以默契於心而無疑矣而若有待於某之言者豈將以是輔其說而久其傳耶既不得辭乃叙其事

而并書是語以復焉黃君幸以為不悖於先生之言則願刻之石厝之祠門以告來者庶幾其或小補云

徐孺

### 子墓

圖經章水者逕南昌城西歷白社其西有孺子墓又北歷南塘其東為東湖其洲上有孺子宅號孺

子臺吳嘉禾中太守徐熙於孺子墓隧種松太守謝景於墓側立碑太守夏侯嵩於碑旁立思賢亭拓跋魏時謂之聘君

亭墓失其地臺可考而知詳見曾南豐所作記。楊廷秀孺子墓詩并序南昌尉廳之右有孺子墓前故有思賢亭後

經兵餘亭毀墓湮今慰劍津張敬之因葺公廨披榛得墓按圖謀墓旁有九里升求之得井又有毗耕栢伊墓下得甃三

款識云晉平南將軍墓去騁君墓七里驗其遐邇而信因表其墓復其亭云敬為賦之有各棲霞外無名澆黨中南州一

高士東清獨清風舊國已禾女荒阡  
猶石翁更煩吹笛鬼端為洗榛叢  
名官熊遠  
獨孤及  
託田陽



朔而來千有二百餘年其間名帥材大夫賢君子有——雷  
次宗胡藩沈季銓楊相如蜚其英李勉魏少遊裴胄沈傳師  
周墀為之師李秘甄濟顧祐甫權德與杜牧贊其治又禮賢  
若陳仲舉有道若徐孺子直言若梅子真興學若范武子遺  
愛若常文明 **梅福** 為南昌尉後去官嘗上疏譏刺  
端可師表 **王鳳元豐間封壽春真人有廟**  
為守不接賓客惟禮徐孺子 **雷煥** 為豐城令掘獄基  
時設一榻孺子去則懸之 **范**

**窳井**

為守見前  
風俗注

**張九齡**

為都督

**常丹**

韓愈曰丹為刺史  
教為瓦屋又築堤

江 **皇朝章得象**

以屯田即  
知後拜相

**唐介**

事略 仁宗朝知  
諫院論陳升之交

結中人凡九奏卒罷  
升之介山知洪州

**曾鞏**

嘗知洪州會歲度責鑿  
候楊散藥全活者甚衆

**張商**

此日望塵迎文苑臺中妙云

**南昌城郭枕江煙**

唐

云洛陽相去遠猶使故林榮  
莊晚眺詩云云章水悠悠浪拍天芳

**畫舫挿幟搖秋**

**光**

王介甫送程公闢之豫章詩云云鳴鏡伐鼓水洋洋豫  
章太守吳郡郎行指斗牛先過鄉鄉人出郭航酒漿魚

鱉膾魚炊稻梁芡頭肥大菱腰長醕醑喧呼坐滿床怪君三  
年滯瞿塘又躍傳馬登太行纓旄脫盡登大梁翻然出走天  
南疆九江左股貢與章揚瀾吹漂浩無旁老蛟戲水風助狂  
盤渦忽柝千文強君聞此語悲慨慷迎吏乃前持一觴鄱州  
歷選多俊良鎮撫時有諸侯王拂天高閣朱鳥翔西山盤上遶  
羊腸水中林下逢袖子東西南北古道王中戶尚有黃金  
歲漂田種杭出穰穰沉檀珠翠雜萬商大舟如山起牙樯輸  
馮交廣流荆揚輕裙利屐列名娼春風踏謠能斷腸平湖鸞



瀉烟渺茫樹石珍怪花草香幽處往往聞笙簧地靈人秀古  
所臧勝兵可使酒可嘗十州將吏隨低昂談笑指揮回雨暘  
非君才高力方剛豈得跨有此一方無為聽客  
欲需裳使君謝吏趣治裝我行樂矣未渠光  
外邑豐

### 城邑巖巖

黃魯直集一一津亭其上有李衛公劔池賦  
世父長善作石隄記其詩云云水重六萬戶

石隄眠長虹輟棹日沉霧今君政有聲新亭延客步淚落世  
父碑心願文饒賦憶昔兩神兵理獄思武庫寒光射漢津兩  
賢躬一顧張公拆中台木拱孔章墓不能從兒嬉歲晚龍蛇  
去空餘寒泉泓因雨長蛙鮒鈿刀藏寶室萬世同此度

### 為吏要清心

黃魯直送徐景道尉寧分詩李苦少人  
摘酒醇無卷深當官莫避事云云葛藟

松千尺寒泉縷百尋公朝有汲引吾子茂徽音。黃綬補一  
尉還依水竹居身隨南渡馬書寄北來魚風俗諳鄰並艱難

### 英守周頤

初任分寧縣簿有疑獄久不決先生至一訊  
立辨邑人驚詫曰老吏不如也後知南昌邑

人見其來咸曰是能辨分  
寧獄者吾屬得所訴矣

### 趙鼎

知州召還為  
參政後為相

### 李綱

紹興  
制置

### 大人物徐穉

字孺子南昌人蘇子由過豫章詩白屋可  
能為孺子黃圭不是欠陳蕃古人冷淡今

人笑湖水年年刺舊痕

### 雷次宗

南昌人

### 吳猛

晉書藝術傳豫章西  
安人邑人丁義授以

神方因還洪州江波甚急猛不暇舟  
楫畫水而渡觀者異之後封真人

### 許遜

南昌人太康元  
年為蜀旌陽令

師事女真諶母永嘉末海昏大蛇斷道遂仗劔斬之  
寧康二年四十二口與雞犬皆上升今封為真君

### 陳陶

麗情集載南唐處士陳陶隱西山操行清潔特嚴撰牧豫章  
欲挽之遣小妾蓮花往侍為陶殊不顧妾乃獻詩求去曰蓮



花為號王為腮珍重尚書遣妾來處士不生王山夢虛勞雲  
雨下陽臺陶谷云近來詩思清於水老去風情薄似雲已向

昇天得門戶錦  
衾深愧卓文君  
**皇朝陳執中**  
郡人為相  
**黃庭堅**  
其先

金華人六世祖瞻知分寧縣因家焉始庭堅與秦親張耒晁  
補之皆游蘇軾之門號四學士而庭堅於文章特長於詩獨

江西君子以庭堅配  
**徐俯**  
與郡守陳瓘為忘年友  
**洪師民**  
南昌人娶

蘇軾謂之蘇黃云  
黃氏山谷之女弟也生三子長日朋字龜父次日芻字駒父  
山谷嘗稱其才及為諫議大夫有職方乘及老圃集今傳於

世幼日炎字玉父  
高宗召為中舍  
**題詠分野連荆俗**  
王介甫詩一

綸屬  
漢疆  
**冰壺幕下清**  
常應物寄洪州幕府盧侍郎忽報南昌令乘駟入郡城同時趨府容

試事初官閑莫歌  
舞教子誦詩書  
**士多儒雅出公侯**  
孔平仲送分寧宰詩西安

瀟洒我嘗遊多自修川泛小舟民本豐饒矜氣節云云梅山  
晚翠屏當戶茶非香芽滿雪甌豫想弦歌富閑暇白雲深倚

鳳凰  
**故人為邑士多稱**  
王介甫送張頡知奉新縣詩云云絲賦寬賒獄訟平

老吏閉門無重糶荒山開隴有新粳方揮玉塵日邊坐  
人縮銅章天外行去去料君歸不久挾材如此即公卿

**四六**  
光膺一札 蜚綸北闕 抗章丹陛 襟帶七閩 出總千連 分閩西江 出帥洪都 咽喉百粵

惟南昌之故郡  
控全楚之上流  
直牛斗以交驪  
眷是真主之潛龍  
充為大臣之歌馬

天開翼軫之卿  
尚書為台斗之躔  
大燾高才之雲擁

地控江湖之國  
都督居翼軫之分  
朱簾畫棟之春生



帝謀連帥付江湖襟帶之區  
 公以名儒當禮樂詩書之選  
 雲飛南浦未訪尋閣上之詩  
 夜直北扉行入草禁中之詔  
 騷人社下足白鷗野水之盟  
 帝子樓前餘孤鶩落霞之興  
 魁台齊色益足光牛斗之墟  
 霖雨思賢會即騎箕尾之上  
 徽皇定慰安之府肇自政和  
 忠獻登齋殺之壇適當皇祐  
 總百官均四曲真廊廟之瞻  
 襟三江帶五湖壯藩維之勢  
 分翼軫接衡廬壯于蕃之勢  
 履星辰運樞紐諧爰立之求

九重圖任起東府之元勳  
 十乘申咨撫南昌之故郡  
 南浦飛雲目極滕王之閣  
 東湖設榻夢遊孺子之亭  
 燕寢蘇州暫凝香之森衛  
 鑿鳴滕閣又雅望之遙臨  
 設榻東湖豈君侯之有靳  
 迷津南浦歎病叟之無緣  
 賓客昂來屢下凝塵之榻  
 江山改觀一新捲雨之樓  
 洪督府實江湖襟帶之地  
 滕王閣為東南壯觀之游  
 夜醉長沙曉行湘水  
 朝飛南浦暮捲西山

地接衡廬而星分翼軫  
 今修庭戶而人樂湖山  
 山為翠浪水作玉虹  
 方出臨于千里  
 雨捲珠簾雲飛畫棟  
 俄易鎮于十連  
 連峯去天枯松倚壁  
 不辭蜀道之難  
 珠簾捲雨畫棟飛雲  
 盡領洪都之勝

袁州

宜春 分宜 萍鄉 萬載

建置沿革

禹貢揚州之域吳地斗分野春秋屬吳戰國屬楚秦屬九江郡地漢為宜春縣屬豫章郡後漢

因之吳立安成郡領宜春等六縣晉屬江州又避太后諱改宜春為宜陽縣隋廢安成郡置袁州因袁山以為名唐改宜春郡復為袁州皇朝因之今領縣四治宜春



事要郡名 宜春見洽 宜陽同上 風俗土俗

愿樸

汪聖錫序宜春云云並蒙珥筆之名因傳氏求詩作數句為邦人洗之日只今頭上半儒冠誰肯公庭弄

筆端試問毛錐將底用奪標他日古人看

細民險而健

黃魯直江西道院賦序云云士夫秀

而 薄義而喜爭

曾子固分寧縣雲峯記云分寧人勤生而嗇施云云其土俗然也長少族

坐里閭相講語以法律意向少戾則相告訐結黨詐人事閨節以勤視聽甚者刻畫金木為章印摹文書以給吏立縣庭下變偽一日千出雖鞭朴徒死交跡不以屬心其喜爭訟豈比他州縣哉民雖勤而習如是漸涵入骨髓故賢令長佐使比肩常病其未易洽而教使移也

士力學知廉耻

阮閱無訟堂記

樂耕而好儉嗇

形勝州小地狹

韓愈謝表一一賦稅及時民安吏循閭里無事微臣

惟當布陛下維新之澤守國家承平之規功以農桑使無怠惰

山水秀麗

寰宇志 湘閩

孔道

郡志曰

山川袁山

在州東北五里郡志昔有高士一京居之故名

仰

山

在州南八十里為州之鎮山周圍一千里高聳萬仞不可登陟只可仰觀以此得名有寺曰太平與國寺及二

神廟舊傳二神捐地與小釋迦結菴於此山有水分流會於正祠。胡致隆詩山下清泉迸石流山後松竹自春秋猿吟古寺偏深處雲集諸峯最上頭一老有靈飛窳堵二神無語瑣寒湫諸天更在藤蘿外欲到峯前恨未由

鍾山

在分宜縣東千里水中有大其一銘秦時所造因名王孚記其山臨水兩岸湍湫有沙如米若一岸沙湧則其方豐穰



**謝山**

在萬載北七十里因一康樂封邑得名謝真君上昇之地丹竈存焉

**毛仙山**

在萍鄉縣

東二十三里方輿記昔人行過此逢一人編身有毛自云姓毛異於凡人後不見因以為名

**羅霄山**

有平鄉縣東六十里有石孔大旱祠之以大水長三四丈投井即雨水溢水湧出而止

**盤龍山**

在州

南五十里自大路至山頂三十六曲

**楊岐山**

在平鄉縣北七十里世傳一朱泣一之所

**羊腸**

**峯**

在州東十里

**龍成巖**

在州西五里唐李衛公嘗讀書於此後因為祠頂有浮圖其西建妙

峯亭盡登臨勝處

**震山巖**

在州西有七林乃盧氏隱居

**石乳洞**

在州東三十里

滴乳成佛像教授鄭王賓記其事

**洪陽洞**

在州西四五里有石室七十二間及晉宋人留題神仙傳

葛洪婁陽

二仙所名

**裏大洞**

在萍鄉縣南三十里南洞相接可容千人建炎初巨寇張成叛人于此避

寇縣北有石陂洞

**石筍**

在萬載北二十里南唐鍾傳所居

**東湖**

在城之外

**水**

在州城南五里紫迴二十里

**宜春水**

在縣西五里宜釀酒王烈記一醇酬隨歲入貢

**雷塘**

在州東北七里方三頃昌黎有一一祈雨文

**釣渚**

在震山岩乃彭氏隱居

**西陂**

在州一四里唐刺史李將順決一入城以通航舡時人謂之李渠

**學校**

州學唐天寶五載太守房

始立夫子廟於城北門外五十步國朝皇祐五年郡守祖無擇以舊居隘隘乃改營於州治之東今學是也學成軒

江李泰伯為記京兆章友直篆額河東柳淇書世號三絕熙豐間第天下學記以表為冠。昨江李泰伯記 皇帝二十



有三年制詔一縣立一惟時守令有哲有愚有屈力卑應祇  
順德意有假宮僭師苟具文書或連數歲亡弦誦聲倡而不  
和教尼不行三十有二年范陽祖君無擇知袁州始至進諸  
生知學官闕狀大懼人才放失儒效闕疎無以稱上意有通  
判頴川陳君仇聞而是之議以克合相舊天子廟陞隘不足  
改為乃營治之東厥土燥剛厥位面陽厥林孔良瓦甍黜聖  
丹漆舉以法故殿堂室房廡門各得其度生徒有舍庖廩有  
次百爾器備並手僭作工善吏勤晨夜展力越明年成舍菜  
且有日盱江李靚論於衆曰惟四代之學考諸經可見已泰  
以山西鑿六國欲帝萬世劉氏一呼而關門不守武夫健將  
賣降恐後何耶詩書之道廢人惟見利而不聞義焉耳孝武  
乘豐富世祖出戒行昏孽孽學術俗化之厚延于靈獻今代  
遭聖神爾袁得賢君俾爾由庠序跡古人之迹天下則治譚  
禮樂以陶吾民一有不幸當仗死大節為臣死忠為子死孝

使人有所賴且有所法是惟朝家教學之意若其弄  
筆以邀利達而已豈惟二三子之差亦為國者之憂

### 四益齋

在郡齋張杓刻魏  
公所書一碑

### 隱齋

在郡治太守張杓建  
南軒張敬夫命名仍

為作記云蓋取孟子惻一之義。朱元晦詩大專繁萬生異

體實同氣云胡分彼此直以私自蔽君家桂林伯德學妙一

世閉戶不忘憂簪纓矧行義眷賢介弟賢四益謹先昇千里

各分符一心同盡瘁遠題齋戶冊來表棲息地系述寫心曾

俯仰資惕房陽嘉既滌蕩陰慝失封開介然彼疴瘵赫若我

點剗拊摩極哀恫征取敢止藝戰兢一日力洋溢四封被君

看物我間隱顯豈殊致願

反振民功更懋根本計云

### 栖霞閣

在城內高真觀。王  
定國詩春漬苔紋沁

石塔月含松

### 潺湲閣

在仰山廟右廡下。婁乾德詩一  
派繞檻清塵襟洗滌自涼生

韻雜琴聲



夜深好夢總驚破  
疑是半天風雨聲

### 亭臺介亭

南東湖之南廣漢張公杓  
知州事南軒先生裁過之

為書東湖扁榜且易盧石堂為一仍題榜側云一一之石  
本盧肇家故物也挺然特立望之有汲黯在朝之氣象予既  
取豫卦六二之義以

### 紅陰亭

在伴廳王冀公布  
衣時作記今猶存

題其亭并告來者

### 臺

在郡城。劉享隆題詩云風送  
江聲穿郡閣日推雲影下峯巒

### 館驛毛山驛

在洋

鄉縣朱元晦書驛壁人言毛女住青冥散髮吹  
簫夜夜聲却是郵僮解端的向儂說道野狐精

### 佛寺蟠

### 龍寺

在宜春之一山端  
瀑飛瀉蓋勝境也

### 五峯寺

黃魯直送密老住  
詩我行高安

過萍鄉七十二度遶羊腸水邊林下逢衲子東西南北古道場  
五峯秀出雲雨上中有寶坊如側掌去與青山作主人不負

法昌光

### 祠廟昌黎廟

在州治東三十  
步初無擇

### 仰山廟

古

相傳昔有邑人徐潘舟至大孤山見一人稱蕭大分一人稱

蕭陸云居宜春一一石橋與同載而歸至浦東告別而去期  
後至石橋相尋後潘見二龍于此會昌三年洪水推

山忽平高就下出田

移一于文明鄉去城三十里

### 古蹟

### 龍鱗木

在平鄉縣東本檀香木客有用錢六十緡市其  
木將伐之其木夜生一一不敢伐至今猶存

### 羅漢松

在平鄉縣寶積寺有黃山谷手  
植一一士夫題詠者甚多

### 名官謝靈

### 運

封安樂侯今  
萬載縣是也

### 房綰守韓愈

元和貶潮州刺史又改  
袁州。詩云北望距今

隨塞鴈南遷  
終免莖江魚

### 李德裕

為長  
皇朝祖無擇  
知州李  
泰伯入



學講說建韓公  
祠修鄭都官墓  
**張希賢**  
范延貴者為殿直押兵過金陵張忠定公為守因問日天使

路來還曾見好官員延貴曰昨過袁州萍鄉縣邑宰一一  
著作雖不識之知其好官員也忠定曰何以知之延貴曰自  
入萍鄉境驛傳橋道皆葺治田萊佃闢野無惰農及至邑

則鄺肆無賭博市易不敢喧爭夜宿邸中聞更鼓分明以是  
知其必善政也忠定天笑曰希顏固善

矣天使亦好官員也即日同薦於朝  
**黃大臨**  
山谷之

鄉山谷  
**孫逢吉**  
宰萍鄉後  
**謝諤**  
新喻人為分宜  
**張**

來省馬  
**杓**  
自左司為守  
**人物陳重**  
漢一一宜春人為同郡雷義為友曰滕滕自謂堅不如雷與陳

**盧肇**  
宜春人李德裕為宜春長史嘉筆文行及肇為送而德裕為太尉日喜今榜已得狀元肇詩喚道是龍

君不信果然  
奪得錦袍歸  
**易重**  
會昌五年狀元時內庭再考復中魁選寄宜春弟詩云一春攀折兩重杖

**鄭谷**  
五代史補云谷在袁州與僧齊已俱有詩名齊已賦早梅詩日前村深雪裏昨夜數枝開谷見之日數枝

非早也  
若一枝自  
**鄒浩**  
責監袁州酒稅  
**陳瓘**  
除名安置袁州

是遂呼為一字師  
**題詠江山多勝遊**  
韓愈送上涯詩莫以宜春遠云云  
**宜春城**

**郭繞樓臺**  
王介甫送袁守曹伯玉詩云云想見登臨把一盃濕濕嶺雲生竹菌冥冥江雨熟楊梅故

落成沙侵病眼不知何日為君開  
**公移猥甚叢生**  
**筇**  
黃山谷寄袁守廖獻卿詩云云訟牒紛如蜜分窠幸得曲肱成夢蝶不堪衙吏報鳴囂已荒里社田園了可奈



春風桃李何想見宜春賢

太守無書來問病維摩

### 袁州司法多魚局

黃山谷用

韻和袁州劉司法詩云云日暮來歸印幾窠詩罷春風滌草  
木書成快劍斫蛟鼉遙知吏隱情如此應問卿曹果是何頗

憶病餘居士否在

家無意食羅摩

### 四六

陞華奎閣

郡方開府

接衡湘之奧壤

有韓謝之遺風

土風甚朴虛存弄筆之名

郡望頗高寔有把麾之樂

李泰伯州學之記孰擬斯文

宋文公隱齋之詩克施有政

土風頗盛實循盧肇之高蹤

里俗相安尚有昌黎之遺化

訟牒紛如黃山谷形于紀詠

土風朴甚汪端明與之解嘲

雖康樂賜履之鄉難尋遺迹

然昌黎分符之地蔚有流風

稼穡盈疇閭里相安于無事

旌旂小隊江山宜訪于勝遊

宜春多勝蓋具見韓昌黎之詩

爾表得賢亦足考李泰伯之記

有新澤勸農桑請驗昌黎之表

得賢君游庠序自有泰伯之文



新編方輿勝覽卷之二十

贛州

贛縣 寧都 雩都 興國 信豐  
會昌 瑞金 石城 安遠 龍



建置沿革

禹貢揚州之域于天文為星紀之分野  
屬吳越後屬楚秦號九江郡漢高使

江南始為贛縣後漢置廬陵郡屬焉吳孫權

立南部都尉晉罷都尉立南康郡東晉太守高

於章貢二水之間即今城是也宋梁陳皆為南康

南康郡為虔州以虔化水為名唐因之○皇朝陞為昭信

軍節度 中興為管内安撫尋為江西兵

馬鈴轄紹興改為贛州今領縣十治贛縣

江西提刑置司

事要郡名

章貢

二水名

贛城

紹興二十三年校書郎董德元言虔州謂

虎頭州非佳名也今天下舉安獨此郡有小警意其名有以

召之既而廷臣建議亦為虔有虔殺之義請去其不令之名

遂改名贛州取章

風俗山長谷荒

王介甫虔州學記虔于江南地最曠

貢二水合流之義

大云云交廣閩越銅鹽之販道所出

地廣人稠

董德元奏虔之

入惟理道奪鼓鑄之姦視天下為多

風俗固有儒良美秀然云云大

嗜勇好鬪

見上注

伉健

抵嗜勇而好鬪輕生而必死

難治

圖經云漢書地理志江南地廣或火耕水耨民食魚稻以漁獵山伐為業蓋在贛尤甚其民一一其作工巧

好佛信鬼人多逋蕩姦欺之訟而力勅亡賴幸時艱悚與長

吏之治不滿其意大者相延為盜小者白晝殺人以身觸

死不悔屢以生

變號為一一

俗號珥筆

古諺云筠袁贛告愾後挿筆

形勝郡

當二廣之衝

趙抃奏曰云云由南未者必自郡易舟而北

當嶺嶠咽

喉

韓絳奏云云廣南公私貨物所聚

江湖嶺海樞鍵

郡志○高宗以其地為云

云置管內安撫後罷之復置江西鈐轄督南

安南旌等州兵甲擁麾出鎮必選名德重望

山川崆山

在州南二十里南康記山出空責因以名之或

呼為崆峒山多林木菓實州之地脉之母也

黃唐山

在贛縣北六十里輿地志山行六里有石室如數十

間屋東坡詩所謂石樓山者圖經不載豈即此耶

螺亭

山

南康記昔有貧女採螺忽奩中見眾螺張口亂噉其肉女死因殯其旁化為巨石螺殼無數

上洛



山

在興國南九十六里高一千七十丈西京雜記上有石

墨可書。寰宇記山中多木客乃鬼類形似人語亦似人能研山枋與人交易徐鉉小說載鄱陽山中有木客自言秦時造阿房宮採木者也食木實遂得不死時就民間飲酒

○為詩云酒書君莫沽壺傾我  
龔公山 在贛縣北百

當發城市多置塵還山弄明月  
龔亮 在寧都西十五里白玉京記係第三下五

所 龔亮 在寧都西十五里白玉京記係第三下五  
金精山 福地漢初張芒女麗英入山獲二桃得道

長沙王吳芮聘馬至洞中見其友乘紫雲在半空謂  
洞天 芮曰吾為金星之精降治此山言訖即升天而去

巖 在贛縣西二十里。雜端王奇有詩云松蘿石  
馬祖 室中清雅勝支公地靜無塵到山高有穴通

巖 在贛縣東道一禪師駐錫之地姓馬氏天下謂之  
得法于南嶽讓禪師六祖能和尚謂讓曰向後佛法從

汝邊去出一馬駒踏殺天下初馬祖嘗欲棲于此岩一夕山  
鬼忽為築垣馬祖見之曰學道不至為邪崇所測此非吾所

居也因棄去營龔公岩往居焉故蘇文  
贛水 東江登泉于

忠作塵外亭詩亦援此事詩見後注  
樂山經 穿都會于章水西江導源于南安大庾縣之聶都山

與貢水合會于  
二水合而為贛在州治後北流一百八十

里至萬安縣界由萬安而上為灘十有八怪石如精鐵突兀  
廉隅錯峙波面自  
一而上信豐寧都俱有石磧險阻視十

八灘故俚俗以為上下三百里贛石也。余安道詩萬推頑  
石碧嶠峽雍遏江流氣勢驕戲馬陣橫秋戰苦水犀軍亂夜

聲囂呂梁謾記莊篇險澗休誇蜀道  
金鯽池 今湮廢  
遙怒激波聲猶可避中傷榮路不相饒  
守曾端伯修譙門掘地得石上有詩云穿開獅子兩條泉  
九秀四流出大官  
一魚  
一賜金紫鳳凰池出貴公鄉



井泉 廉泉

在報恩寺本張氏居宋元嘉中一夕霹靂忽有湧泉時郡守以廉名故曰一一。蘇子瞻

詩水性故自清不清或撓之廉者謂我廉何以此名為。又詩云云。贛水雨已漲一一。春未流同烹貢茗雪一洗瘴茅秋

亭臺 塵外亭

龔公崖頂有一一一。今在州治東形勢最高絕凡四境之山川可以枚閱。蘓

子瞻一一。詩楚山淡無塵贛水清可散策塵外游麾毛謝斯世山高惜人力十步輒一憩却立浮雲端俯視萬井麗幽

人宴坐處龍虎為斬雉馬駒獨何疑豈墮山鬼計夜鬱孤垣非助我謬敬欲其逝戲留一轉語千載起攘快

臺

在麗譙坤維隆阜鬱然孤起平地教丈冠冕一郡之形勢而襟帶千里之江山唐李勉為虔州刺史登臨北望

慨然曰余雖不及子年而心在魏闕一也一一。宣令名字改為望闕。趙閱道詩云翠峰鬱然起惟此峯獨孤築臺山之

顛鬱孤名以呼窮江足樓閣危壓牛斗墟贛川繚左右庾嶺

前崎嶇望闕址其後北向日月都人家雜煙樹原野周城郭

烜潤或晴雨明晦或曉晡春榮夏物茂秋肅冬林枯氣象日

子變一一。如屏圖比予去諫署乞州養庸愚事訛得以正俗

瘳得以蘓歲豐盜歎息獄冷冤繫無熙然與民共所喜明僚

俱中澹有琴綠外喧有歌歛樽罍有美酒盤殮有嘉魚優游

一臺上四序不暫辜乃知為郡樂况復今唐虞。程師孟題昔人善名鬱孤下視百里如平鋪千巖迤邐何獨秀白雲

蔽虧青骨瘦爾來一見関心胸脫然身在蓬萊宮江南山水盡頭處盡處屏風歸北去。蘇子瞻鬱孤臺詩吾生如寄耳

章貢臺

在城西

無秋望斷橫雲嶠魂飛吃雪州曉鍾時出寺暮鼓各鳴樓歸路迷千嶂勞生閱百州不隨猿鶴化甘

作胡留祗有貂裘在猶堪買釣舟



貢二水之會勢與鬱  
孤對峙而甲乙稱雄

### 白鵲臺

在郡治趙閱道有記

### 八境臺

在城

上○蕪子瞻詩序云南康江水歲歲壞城孔君宗翰作石城  
城上樓親臺榭東望七閩南望五嶺覽羣山之三差俯章青  
之奔流乃作詩八章題之圖上○坐看驚湍遶石樓使君高  
會百無憂三年竊鄙秦太守八詠聊同沈隱侯○濤頭寂寞  
打城還章貢臺前暮靄寒僊客登臨無限意孤雲落日是長  
安○白鶴樓前翠作堆縈雲崩落若為開故人應在千山外  
不寄梅花遠信來○朱樓深處日微明皂蓋歸時酒半醒薄  
暮漁樵人去盡碧溪青嶂遶螺亭○使君那暇日三禪一望  
叢林一帳然成佛莫教靈運後著鞭從使祖生先○却從塵  
外望塵中无限樓臺煙雨濛山水照人迷嚮背只尋孤塔認  
西東○煙雲縹渺鬱孤臺積翠浮空南半開想見之果親海  
市絳宮明滅是蓬萊○回峯亂嶂鬱參差雲外高人世得知

誰向空山弄明月  
山中木客解吟詩

### 寺院慈雲寺

黃魯直詩城東寶坊  
金碧重道人修惠剪

蒿蓬一瓶鉢

三十年瓊樓碧瓦上

秋空稻田摩袖擁黃髮

更築書閣諸天中三后在天遺坐墨百神受職扶琳宮文思

帝澤餘溫潤雨露下國常年豐貢川章川結襟帶梅嶺桂嶺

來朝宗參旗斗柄畧欄楯清坐耳聞河漢風道人飽參口掛

壁頗喜作詩如已公家風秀句刻琉璃邀我落

### 天竺寺

筆何能工安得雄文壓勝境九原喚起杜陵翁

在水東三里白居易贈韜先禪師墨迹舊存眉山老蘇嘗至

寺觀焉後四十七年東坡南遷再訪惟見石刻○因賦詩云

香山居士留遺迹天竺禪師有故家

空詠連珠并疊壁已無飛鳥及驚蛇

名宦李渤為虔州刺史濬

湖築堤嘗

### 皇朝余靖

為贛尉以

### 趙抃

守虔改監法疏

撰龔山碑

### 司諫為守

鑿贛石民賴其

利 孔宗翰

為守嘗築石城捍水

呂景山

温陵人。鄭介夫送

詩江西古浩穰昭信雄江濱州獄千里平舒慘繫閹囂

留

正

知贛州三年恩威各得其所代者拊御失宜軍中若為

書鎮章江慈母懷嬰兒去年甫去郡未覺棠陰移如何失調

良多

人物王鴻

有都人義獻之後善書

王奇

為縣小

吏令題鴈詩一聯於屏上云隻隻含蘆背曉霜盡隨鴛鴦立  
寒塘竒密續成之日晚來漁棹驚飛去書破遙天字一行令  
因激賞使遊學京師真宗見其詩云鴈飛不到欹樓上秋  
色偏欺客路中召見賜第又詩云不拜春官為座王親逢

天子作門生

孫立節

字介夫寧都縣人天資剛鯁不肯

後為御史

表其事二子勳

勳皆從執遊

飲江山清獻遊典刑傳父老樽俎繼風流度崩逢梅雨還家  
指麥秋自慙鴻鴈侶爭集稻梁洲野濶橫雙練城堅聳百樓

行者鳳尾

山為翠浪湧

蘇子瞻過度館作詩云入境見圖畫鬱孤如舊游云云水作  
王虹流日麗崆峒曉風酣章貢秋丹青未變葉鱗甲欲生洲

嵐氣昏晨樹灘聲入市樓煙雲侵崩路草木半炎州人煙  
故國千峯外高臺十日留他年三宿處準擬繫歸舟

五嶺北

陶弼送趙樞寺丞宰虔化縣詩云云星  
斗大江西暖雪梅花樹晴雷贛石溪



四六

疏思北關 出綸鳳闕 惟今之贛 雖曰偏州  
開鎮南康 植戟虎城 益迨於蠻 實為重鎮

惟贛州之望郡 粵自五季以來 介江倚重於蕃宣  
控江國之上流 凡遭幾變於此 踰嶺仰尊於節制

涉江而右一歸節制之尊 江西嶺南之交地毋乃惡  
由嶺以南志倚蕃宣之重 風聲氣習之舊頑不可鑄

宣乃王靈嘗假中樞之節 撫摩千里固知地望之雄  
疆之戎索遂夷窮微之風 彈壓羣蠻更總兵戎之寄

虎頭垂鎮統三郡之甲兵 湧翠浪而麗崆峒定傳好語  
豹尾從班寬九重之宵旰 近紫微而連華蓋會見遄歸

蠻獠相挺既弄兵之間作 庭頭城下雖爭為竹馬之迎  
塵綿難化亦珥筆之素聞 豹尾班中恐催看槐龍之舞

吉州

廬陵 吉水 安福 太和 萬安  
龍泉 永新 永豐

建置沿革

禹貢荆揚二州之域兼荆揚吳楚之分野為星  
紀鷄尾及斗牛女翼軫之次春秋屬吳戰國屬  
楚秦屬九江長沙郡漢屬豫章郡及長沙國東漢置廬陵  
郡晉以廬陵郡隸揚州又割隸江州吳孫皓置安成郡隋  
改為安福縣又改為廬陵郡唐為吉  
州 國朝因之令領縣八治廬陵

事要郡名廬陵

安成

螺川

見公

風俗

郡多秀民

學糧記云云而學  
宮之盛與上國等

儒術為盛

通典衣冠  
所萃藝文

十斯之一 雖閭閻賤  
品力役之際今詠不輟

戶口繁衍

朱晞顏修城狀吉  
州地望雖出洪贛

之下而其云云田賦  
浩穰實為一路之最

土沃多稼

皇甫湜廬陵縣廳壁記  
一一一散粒荆揚

形勝吉為富州

見後皇甫持正為張刺史作廳壁記

吉為大邦

周益

公詠歸亭記云云

南接贛

劉奔序云云北竟贛水東西控臨川長沙

駢山

貫江

皇甫縣壁記云云扼嶺之衝

據江上流

朱晞顏有云一一外與汀衡之界相

接

咽喉荆廣

劉登彥譙門記云云唇齒淮浙江山映帶在眉宇間

介于吳楚

之間

王庭珪安福縣鳳林橋記吉為郡云云何恪祭竈齋記介于湖湘嶺嶠之間

山川東

山

在郡東南蓋劉智請移郡所謂東通大山是也

仁山

在郡西

香城山

在城南地

號三縣聳秀如筆鋒。周益公云廬陵南四十里有。其名見唐皇甫持正所作碑碣峻拔廣袤中一峯九竒秀諺

所謂文筆者胡氏世居其下主忠

青原山

在廬陵縣。王庭珪遊青

簡公遂以直節脩能名震當世

螺子山

在郡城北下有潭。圖經昔漁人遊此

原詩異時黃魯直嘗賦青原詩今日一一名與星斗垂忽遇風雨見神螺光彩五色因名

龍須山

在廬陵西南六十里登禪師之道場也唐代宗時土人龍

須施地築庵故名。曾輔送周吉州有詩云廬陵太守告我行先把廬陵為君說一一對殷侯池池面山容兩清絕

南山

在吉水西北六十里三石挺聳能興雲雨

鳳山

在吉水東五里山半有鳳凰巖瀑布自巖而下

三顧山

在太和南五峯相次頗類五老

石灰山

在永新山有兩洞及石龍石塔之類

金山

在龍泉西北十里有塔

銀山

在龍泉東一里有塔

石笋峯

在廬陵山頂臣



石如筍 **席帽峯** 泰和之朝元嶺 在吉水西北五里有黃金臺。或傳揚仙

留題云落落萬古石悠悠千載心人間不相遇白雲深處尋 **金舡嶺** 在萬安南有法輪院舊名香林

寺趙閱道嘗知虔州赴召通判周茂叔餞于此寺倡和有詩 **焦岡** 在郡西木茂壤亦蜿蜒可教里 **日**

**岡** 在吉水北四十里 **月岡** 與日岡相距五里 **瀧岡** 在永豐南百六十里歐陽之故居及

有墓謂之 **元陽洞** 在永新禾山有姚崇書堂故址 **牛吼石** 在泰和縣西十

里自黃公灘而下江流平澹經此石則復險灘聲如 **廬陵** 羣牛之吼。葛敏脩詩一瀉三百里列為十八灘

**江** 自泰和縣界流入 **黃公灘** 在萬安縣訛呼為皇恐灘。蘓子瞻南遷過此賦詩云十八灘

頭一葉身七千里外二毛人山憶 **吉水** 有仁山與一一相傳水紋成吉字

喜歡勞夢想地名皇恐泣孤臣 **廬水** 在安福東至廬陵入贛江 **龍洲** 在太和南有識云一一過縣前

益公作一 **白鷺洲** 在贛江中有洲曰白鷺其長數里。徐俯江上野望詩金陵與廬陵俱有

一書院記 **井泉** 聰明泉 劉冲之一一一詩義

江中同二水流 **聰明泉** 山下有靈泉泉號

聰明自古傳四百年中三出相不才何幸繼前賢 **堂閣三瑞堂** 在州宅熙寧中城西產雙

蓮三虛觀產芝草天慶觀有甘露。蔣穎叔詩云好詩人 **詩人**

在廬陵守年來強健無一麾新佩印三瑞更為圖 **六一堂** 在州宅繪

**堂** 在司戶廳廬豕以唐詩人杜審言曾 **六一堂** 在州宅繪

1. 像楊

### 二友堂

在州宅舊有古松與竹對植太  
守李彌遜開軒其下胡銓為記

### 竹堂

黃魯直寄題安福李令  
喜種竹託物雖有殊心期俱不俗千載得李侯異世

等風流為官恐是陶彭澤愛竹最知王子猷寒窓對酒聽雨  
雪夏簟烹茶卧風月山僧知令不凡材自掃竹根培老節富  
貴于我如浮雲安可一日無此君人言愛竹有何好此  
中難為俗人道我于此物更不踈一官窘東何由到

快

### 閣

在太和縣寺黃魯直登  
東西倚晚晴落木千山天遠大澄江一道月分明朱絃

已為佳人絕青眼聊因美酒橫萬里歸舡弄長笛此心吾與  
白鷗盟。又和李才甫  
詩山寒江冷丹楓落爭度行人  
簇晚沙菰葉萍花飛白鳥一張紅錦夕陽斜。雲橫章貢雨  
翻盆寺下江深水到門落日荷鋤人著本西風滿地葉歸根

○楊廷秀題

詩太史留題  
詩舊碑未

### 先春閣

必是真題六丁搜出嚴家墨白日青天橫紫蜺

黃魯直寄題安福李令  
詩宮殿繞飛煙江山壯城郭

今君蕪桃李面春筵飛閣春至最先知雨露徧花藥是日勸  
農桑冰銷土膏作弦歌出縣齊徘徊問民瘼鷄犬

### 緩齋

聲相聞嬰此薄領縛安得携手嬉烹茶煨鴨脚

### 大明寺

有愛竹  
軒黃太

道箴云戶曹掌州帑或行獄訟

### 南塔寺

在太和縣  
黃魯直詩熏

事皇族公括以緩名齋為作箴

史為太和宰日嘗賦詩又能仁院

### 崇元觀

在吉水縣  
昔呂洞

清涼軒東山寺朝華亭皆有詩  
爐茶鼎暫來同寒日鴉啼柿葉風萬  
事盡還杯酒裏百年俱在大槐中

### 殷仲

宿嘗留題云褰裳懶步尋真宿清景一宵吟  
不足月在碧潭風在松何必洞天三十六



堪讀書堂

安成說付堪為守於城西大池上築臺讀書遺址尚存

搗衣石

在

新縣前市相傳顏真卿嘗游息其上

名官孟嘉

晉太尉庾亮領江州辟嘉署廬陵從事嘉還都亮引

問風俗得失對曰還傳當問吏亮舉塵尾掩口笑曰嘉故是盛德人

張中丞

皇甫湜吉州刺史廳壁記

自江而南吉為富州民朋吏器分上艱政蓋以近歲不幸紹繼無狀大官以降為者羞薄而不省務子弟以資授者縱欲而不顧法州遂瘡痍御史中丞張公歷刺縉雲尋陽用清白端正之治詔書寵褒賜以金紫移蒞于吉下車之初視簿書簿書紛如絲視胥吏胥吏沸如糜召詰其官皆耗然如醒登進其民昏瞶然而疲公噫貽良久於是大新其典為之開之以修省簡便鍵之以勤強練密凡事宜處約以躬率之省費一倍法防既周銖兩之姦無所容墨俗斯息單民得職威令

神行惠利川流未及再暮富庶而教至於無事百姓扶老提穉載路而歌曰昔吏詭詭今吏簷簷公能馭之雌亦為銘既亦為廉始繼而若終優以恬昔民嗷嗷今民咄咄公能撫之鰥寡有怡流亡既來徭稅先具汗茨盡開嚮覆官倉倉無斗糧公來幾時積粟埋梁嚮閱官庫庫無尺縉公來幾時山積層層瑞露溶溶降味公松瑞蓮猗猗合公池公有異政神之祚之民歌路謹冀聞京師天子明堂恩光遠而於是椽吏將卒趨伏固請願書於公堂之北壁夫堂壁有記本以志善悛惡名氏遷次末也矧東西之舊則杜審言黃魯直寄備今用絕編以首能為政垂為後戒舒申之司

戶詩吉州司戶官雖小曾屈詩人

顏真卿

為司

皇朝向敏中

丞相謚文簡公既嘗為倅又為守

呂士元

休寧人為太和令子漆隨侍縣圃有讀書堂

余

靖慶曆中使契丹通外國元絳知永新宰程珣知廬陵宰龐

敏為太和宰戚綸為太和宰黃庭堅知太和縣。蘇子瞻和魯直食笋詩凜凜白下

宰太和古白下也會頌鹽筴寧積監於廩不忍以賦貧民詢求民瘼或達旦不寐邑多強族不忍以柱後惠文齊之云

江公著為太和守人物歐陽修廬陵人生於綿州官舍四歲而孤母鄭氏

守節自誓教以讀書以省魁擢第後為參政自號六一居士以文章道德天下皆師事之。蘇軾祭文云公之生於世六十有六年民有父母國有著龜斯文有傳學者有師君子有所恃而不恐小有所畏而不為譬如大川喬嶽雖不見其運動而功利之及於物者益不可數計而周知今公之歿也赤子無所仰庇朝廷無所稽斯文化為異端學者至於用

夷君子以為無與為善而小人自以為得時譬如深山大澤龍亡而虎逝則變恠百出舞鱗鱗而號狐狸昔公之未用也天下既以為病而其既用也則又以為遲及其釋位而去也莫不覲其復用至於請老而歸也莫不悵然失望而猶庶幾於萬一者幸公之未衰孰謂公無復有意於斯世也奄一去而莫予追豈厭世之溷濁潔身而逝乎將民之無祿而天莫之遺昔我先君懷寶避世非公則莫能致而不肖無狀黃緣出入受教門下者十有六年於斯聞公之喪義當匍匐往弔而懷祿不去愧古人以忸怩絀詞千里以劉沆永新縣人為宰相寓一哀蓋上以為天下慟而下以哭吾私

胡銓廬陵人上書斥秦檜王倫孫近三人可斬生流吉陽

敢張巡為癘鬼以擊賊楊萬里吉水人初丞零陵時張忠獻勉公以正心誠意死亦難忘自號澹庵



之學遂以誠名齋厥後勸講東宮光宗御書誠齋字賜之

周必大

字洪道公早歲登第繼擢詞科

高宗一見其文大奇之由臺閣登侍從考宗朝正宰席閑居者十五年號平園老叟

題詠廬陵

地控虔與洪

王庭珪嘗作廬陵行云去孤城斗絕吳楚東

紅粧執樂

三千指

蘇子瞻送江公著知吉州詩秦親官舍當有擇得郡江南差可喜白粲連樯一萬艘云云簿書

期會得餘閑亦念人生行樂耳

為愛江西物物佳

歐陽永叔寶積寺詩云云作詩常向

北人夸青林霜日換楓葉白水秋風吹稻花釀酒烹雞留醉客鳴機織苧徧山家

四六

疏恩鳳闕惟天江以西醉翁之文而澹庵之忠分理螺川獨廬陵為右益國之動而誠齋之節

螺江千里之封暫煩牧御

連樯一萬艘豈羨紅粧之執樂

鳳詔十行之下竚見褒揚

起家二十石竚者黃紙之除書

考之壁記昔人固謂之富州

議論文章則有六一翁之學

以州麾今日實稱於佳郡

勳名事業則有平園叟之賢

字民白下實為山谷之舊遊

萬室連薨剽奪時鳴於桴鼓

得郡江南曾辱坡公之夸說

千艘銜尾轉輪日困於舳艫

胡澹庵慷慨排和不為勢屈

帶牛佩犢謾遊魑魅之鄉

瑞州

高安 上高 新昌

建置沿革

禹貢揚州之域吳地斗分野春秋屬吳戰國屬楚秦屬九江郡漢為豫章郡之建城縣三國南

朝並屬豫章郡唐即縣地置靖州又以隱太子諱改建城曰高安又改靖州為朱州是年又改為筠州土產篁竹故

名 皇朝因之仍分高安上高二縣地置新昌縣  
寶慶初以州名犯 御諱改瑞州領縣三治高安

事要郡名高安

瑞陽

見公華內注

風俗獨不

器於訟

見後江西道院注

士秀而文

同上注

其細民儉

而健

同上

其吏民朴野

蘇子由聖壽院記云云

郡庠獨後

建

魯子固記笏為州在大江之西其地僻絕當慶曆之初詔天下立學而笏獨不能應詔州之士以為病治平三

年知州事董君儀相州之東南得亢爽之地築宮於其上使笏之士相與升降乎其中講先王之遺文以致其知非獨使未來者玩思於空言以千世取祿而已

形勝負山面水

蜀江志云郡一風一錦一

郡居溪山之間

蘇子由聖壽院記

其地僻絕

南豐學記 四

方舟車之所不由

蘇子由記

山川鳳山

在上高縣西七里

大愚山

在州東行春門外有真郊寺。冷齋夜話余還自朱崖館于此寺。慶元中呂伯恭論韓

謫居寺中。蘇子由詩東郊一一自古簷簷林

白雲山

在高安縣西北七十里下有超果寺有瀑

布水孫伯溫記謂之小麻姑

九峯山

在上高西五十里其峯奇秀

石臺山

在新

昌縣南二十里有清涼院東坡藥城嘗遊賦詩今有石刻

黃蘗山

在新昌縣西百里一名鷲峯山。唐

宣宗微時以武宗忌之遯跡為僧遊方外至黃蘗與一一禪師同親瀑布黃蘗得一聯云千巖萬壑不辭勞遠者方知出



處高宣宗續之田溪澗豈能  
留得住終歸大海作波濤  
荷山 楊廷秀碧落堂晚望  
詩一非不高城

自不見一登碧落堂山色正對面如人卧平地躍足立天  
指揮出伏兵萬騎橫隔岸後乘來未已前驅瞻已遠晨光  
巖壑人物俱藉絢緣屏紛開闔翠旗閃舒卷安得垂天虹

度雲嶽老鈴偶報事郡庭集賓贊忽忽換山中默默下林

西山嶺 在新昌東北七十里峯巒萬  
疊有飛瀑三四道頗為奇親  
龍岡 在州西一里  
迷

仙洞 在郡圃相傳即李八百洞  
閉塞不可入蘇子由有詩  
濯湖 在新昌縣東門外  
今水清潔故名

劍池 在州後圃乃李仙磨  
山谷所謂製一齒齒以為裳是也  
蜀水 源出  
縣內

小界山相傳許遜為蜀旌陽令  
人疾疫遜以器水投於上  
流疾者飲之輒愈故名  
識云錦水入市河朱紫

錦水市河連  
州出狀元  
亭院 江西道院 黃魯直  
並序江西之俗士大賦

夫多秀而文其細民險而健以終訟為能由是玉石俱焚名  
曰珥筆之民雖有辯者不能自解免也惟笏為州獨不罵於  
訟故笏州太守號為守一然與南康廬陵宜春三郡  
並蒙惡聲元祐八年武陵柳侯子儀 筠之明年也樂其俗  
之媿使為政者不勤乃新燕居之堂 曰一一一一以鼓舞  
其國風且為高安之父老雪耻馬秋七月遣使來告成於雙  
井永思堂於是為之賦曰勾吳之墟維斗所直半入於楚終  
缺於越有恭伯虞仲季子之風故處 有巖穴之雍容有屈  
原宋玉枚乘之筆故文章有江山之秀發吳越之居多好勇  
故其民樂鬪而輕死江漢之俗多 鬼故其民尊巫而淫祀  
雖郡異而縣不同其大畧不外是矣若乃高安之城豫章之  
別雖風氣之未遂亦媿俗之可悅故柳侯下車解牛而不割

未嘗發硎初不折缺則喟然嘆曰一一一名不虛生爰作  
新堂合陳鼓笙有斐翰墨賓贊令 作為歌詩接氏訟聲昔  
也憂民之憂今則樂民之樂懷仙 之蛻蟬有勿翦之喬木  
製刷池之菡萏以為裳釀丹井之清冷以為酌醉而起舞父  
老持足恐使君之仙去而鰥寡之長失職也吾聞風行於上  
而水波此天下之至文仁形於心而民服此天下之善化豈  
可多為令而病民慢自設險而病民詐耶九轉丹砂鑄鐵成  
金兩漢循吏鑄頑成仁我簡靜則民來我平易則民親今使  
高安之晨養生于桁楊之外珥筆教訟者傳問孝之章 耳  
鎖元者深春耕之耒賣私鬪之刀劍以為牛羞淫祠之樽俎  
以養親雖承平百年雨露滲漉非二千石所以牧人者平雖  
然有一于此堂宥有美樵而未聞處士之節岑蔚有於菟而  
不見墨客之文豈其龜藏而自秘蠖屈而不伸  
者耶公試酌樽中之渌謝山川之神為予問之

### 堂亭無

### 訟堂

在郡治

### 碧落堂

在鳳凰山郡之井邑一目可盡。楊廷秀留題仙人白日上青冥千

載如聞月下笙南北萬山俱在下中間一水獨穿城江西箇  
是奇絕處天下幾多虛得名滕閣孤臺雖不 祇緣猶帶市

### 朝棲真堂

在郡圃蓋仙人李八百故居之址中有遺像。楊廷秀詩云李真宅子故依然道院西偏

古洞前一日 遊八百里三番花落九千年劍池丹井俱蒼

蘇絳節霓旌已碧天借問飛仙那用步步行猶是地行仙

### 瑞芝亭

黃魯直記晉陵郡 叶為新昌宰視事之三月 靈芝五色十二生 使坐之室吏民來觀無不

動色相與言曰吾令君殆將有嘉政以福我民乎山川鬼神  
其與知之矣不然此不蔭而秀 根而成非人力所能致而  
自至者何也乃相與問其室四 為亭命曰一一奔走來謁  
記於豫章黃庭堅黃庭堅曰予 神農草木經青之生泰山



赤芝生衡山黃芝生嵩山白芝生華山黑芝生常山皆久食而輕身延年而不老蓋序列養生之藥不言瑞世之符又其傳五芝曰赤者如珊瑚白者如截黑者如澤漆青者如翠羽黃者如紫金皆光明洞徹如堅而世之所名芝草不若是也故嘗考於信書自先秦之未有稱述芝草者及漢孝武厭四海之富貴求致神仙不死天下騷然元封中乃有芝草九莖連葉生甘泉殿齊房於是赦天下作芝房之歌孝宣興於民間厲精萬事事無過舉然廟享教有美祥願甘心焉故復脩孝武郊祀以瑞紀年元康中金芝九莖又產函德殿銅池中然此芝不生於五嶽果神農經所謂芝者耶予又竊恠漢世既嘉尚芝草而兩漢循吏之傳未有聞焉何也豈其所居民得其識所去民思其功生則羽儀於朝歿則烝嘗於社則是民之鳳凰麒麟芝草也耶抑使民田畝有禾黍則不必芝草生戶庭使民伏臘有雞勝則不麟鳳在

郊椒黠吏不舞文則不必虎渡河呈脊不追擾則不必蝗不入境此其先效優於空文也耶嘗試論之古之傳者有曰上世蓋有執指佞苴蒲扇庖糞莢紀曆竹生律既不經見後世亦不聞有之則前世之有之草時未定也邵君家世儒者又能如脩求自列於循吏之科故即其氣馱而取之異草來瑞使因是而發政於民慘怛而無倦民將盡力於田士將盡心於學則非常之物不虛其應且必受賜金增秩之賞用儒術顯於朝廷矣豈獨夸耀下邑而已乎故書予所論使歸刻之

**偃松亭** 在州宅 陸務親詩巨松偃翠蓋閱世歸獨存頗疑古仙翁葺丹在其根或是結靈藥百尺有伏龜終隨風

**翠樾亭** 在郡治 蜀江記 雨化不死何足言

**郡圃** 崎嶇高下斷崖深壑宛如洞府澄江遠

**名官皇朝毛維瞻** 為守嘗與岫層出堊見於樽俎間

頴濱 **崔鷄** 陽翟人調本州推官因上書論章 **人物任**

唱和 **壽** 為詩清婉嘗有人 **沈彬** 高安人吳先主授以秘書郎

外一岸斜陽細雨中。觀山水圖詩須知手筆安排 **皇朝**

定不怕山河整頓難人皆傳誦之至今以為佳句也 **劉渙** 高安人詳見 **趙師民** 上高人子彥 若相繼為相 **名賢蘇**

**轍** 自作東軒記云余以罪謫監筠州鹽酒稅未至水泛溢

居即堂之東為軒種杉二本竹百箇以為宴休之所然晝則

坐市區輦監沽酒稅豚魚與市人爭尋尺以自劾暮歸筋力

疲廢輒昏然就睡不知夜之既旦旦則復出營職 **余靖** 謫

終不能安於所謂東軒者未嘗不啞然自笑也 **酒** **題詠** **清廉不負民** 蘇老泉送張守職方 詩老太偏諳事云云 **子舍**

**只鄰城** 范景仁送張職方詩南國一麾守知公安此行

應持詔取同命到天京職 **新有虹梁水上橫** 蘇子

方名正子公紀亦守嚮州 **波晚云云** **均陽舊是朝天路** 楊廷秀云 國家

歸時不怕江 **故詩云云六十** 年來行信州

**四六** 出綸禁掖 地僻民淳 眷分 之名麾

惟瑞為州夙號江西之道院 賦成道院永懷山谷之名言

貫蜀之水允為錦里之主人 記考東軒尚訪頴濱之遺迹



庭岑芝草未為農畝之豐  
岑有於菟孰若文儒之盛

得山谷序文而雪耻民訟不罷  
因南豐學記而致知士風

新編方輿勝覽卷之二十

